

晚晴籟詩匯

第三七册

晚晴彩詩匯卷九十五目錄

伯麟 五首

汪志伊 三首

傅顯 三首

呂燕昭 三首

李華國 二首

冒方華 一首

彭淑 五首

胡啟文 二首

倪本毅 二首

曹龍樹 三首

蔣履 二首

陳寅 三首

苗令琮 四首

傅應台 一首

陶廷珍 四首

百齡 八首

章煦 一首

鄒炳泰 五首

鐵保 十首

莫瞻菴 八首

平恕 三首

圖敏 一首

羅修源 一首

裴謙 一首

李葵 一首

許學范 一首

李堅 一首

許兆椿 三首

吳俊 三首

李嗣 一首

劉大紳 九首

黃河清 四首

潘有爲 一首

顧莖 二首

陳石麟 七首

晚晴謄詩匯卷九十五

徐世昌

伯麟字玉亭號梅坪滿州旗人乾隆辛卯繙譯舉人由  
筆帖式官至大學士太子太保諡文慎有退思齋吟

草

詩話文慎詩和平溫厚雖觸物興懷皆有寄託吳巢  
松學士題其集云宰相清如此昇平事可知苦尋詩  
句好渾忘節旆持  
亦可想其風度也

晉陽示諸牧令

馬疲思解韁魚涸思得水鳥倦思棲枝蜂饑思覓蕊物性  
如斯夫人情可知矣跛者不忘趨盲者不忘視疲癯狀既  
成鍼藥誰能起拯救本無術悱惻猶難已何乃民瘠肥無  
關心戚喜手足常沾塗朝夕負耒耜豈曰飽胥役原爲甯

婦子明察若無遺閭閻所得所恃琴堂鑑懸冰花城霞散綺  
窮檐願易償佇聽歌樂只

峻阪車能行顛仆或平陸滄海舟能通傾覆在淺瀆前鑒  
誠非遙歷歷駭心目展驥與割雞虛聲莫馳逐星星火燎  
原涓涓流盈谷彈琴不下堂敢云治已肅百里風煙賒千  
家耳目屬置水可投書削木可爲牘片言勿輕棄細事亦  
詳鞫卽小以寓大愼哉爲民牧

善理亂絲者徐徐結自舒善治劇邑者優優政自敷稂莠  
害民稼荆棘牽人裾河陽花不發鄭白渠已枯雖有下邳  
令兕虎猶難除人心不古若拊膺惟長吁寄語諸君子勿  
謂編氓愚訟庭地無隙先宜防吏胥農田歲雖稔尤貴籌  
積儲聽訟息雀角待哺思雞雛仁愛及草木忠信孚豚魚

荀庭羨集鳳喬舄來飛鳧諸君能如此庶不負簡書

珍錯雖列俎何如菽粟好章服已榮身何嫌錦繡少我自  
筮仕來生計原草草稼穡思艱難豐歉縈昏曉小民日怨  
咨敢以輕心掉惟願諸君子夢與茅檐繞綺羅筵前燭移  
照桑樞槁向隅繁有徒情狀俱了了斤斲與斧削何忍復  
相擾當年皆寒峻今日幸溫飽共期飭簠簋斯民大有造

題楊升菴先生畫像

十年持節滇山道到處滇民話公好大名遺像兩崢嶸氣  
節文章此雄顥當時大禮難具論私恩公義日分門左順  
門前一痛哭遂令異世悲忠魂忠魂一生經九死萬里崎  
嶇到金齒鳳凰折翅猿哀鳴著書談笑空山裏談笑空山  
休問天誰信公來不等閒安邊定亂書生事家僮親手殺

安銓

本傳公在永昌聞尋甸安銓武定鳳朝文作亂率平

生愛檢前朝史自使西南重訪此尋甸州連武定州戰地

猶聞鼓聲起西南況復瘡痍久更憶先生調護某止貪救

困在山霖撫衷自問我何有滇志載先生請止牛鹽稅推

為利督丁夫六千人下海民寫韻樓前花亂飛黃蕉丹荔

苦之先生作書箴告當事今何時風吹山鬼薜蘿帶颯颯有人唱楚詞迎神欲奏羅

池曲何人筆力昌黎足不然更譜鶴南飛雪葉千山滇水

綠

汪志伊字稼門桐城人乾隆辛卯舉人由知縣官至閩

浙總督有稼門詩鈔

詩話稼門起家縣令上官初以為迂欲改教職因平反冤獄大得時名存任兼圻生平以理學自命詞章非所措意詩多隨意抒寫卻有磊落之氣

題明顧端文公闢墨遺蹟後

嗟乎國祚昌士氣揚士氣烈國祚折卓哉梁溪顧端文神  
熹兩朝第一人洞穿理窟執道要南畿丙子張厥軍爾時  
江陵位首輔公不私謁通要津郎官誹議竭忠盡不負所  
學自始進晚年講道東林開中以朋黨指黨魁芝蘭刈殺  
蕭艾盛衆君子盡國亦摧誰知白賁守邱園非立氣節樹  
聲援末流賈禍咎攸致羅織豈公意中事抑之愈下揚愈  
高三元齊名泰三爻獨不見晦翁衍心傳鹿洞集大全慶  
元攻僞學名亦最居先又不見晦翁登科錄藏者珍如玉  
況此風檐手澤眞士林傳頌倍精神士林傳頌倍精神道  
南士氣千秋振

初願園中丞以書來索端硯爰將素用之硯贈之賤



以詩

鈴閣由來有四友鐵面尙書交獨久呵之輒澤扣無聲性  
堅質潤嬌瓊玖靜鎮不摧龍鬚鋒坦懷善發元香守其才  
其德兩無倫相與摩挲肯釋手觸來雲氣時騰騰臨池一  
洗蛟龍吼況此區區稱良田一瓊笑予勝千畝孜孜窮日  
倒枯腸全藉泮妃才八斗泮妃沈醉墨花香高詠頤園梅  
爲首思梅應擬梁何遜曾消溟池幾杯酒溟池飛來雙鯉  
魚尺素藎辛胥幼婦殷勤索硯指端溪豈似書生習氣狂  
當年白筆簪蘭臺臺閣風生職不負節旄今擁碧雞山載  
道口碑歌父母敷厯不自曰能賢鐵面婆心無出右惟此  
硯兮潤且堅差堪與君作敵偶我何割愛竟與君知君三  
立能不朽知君三立能不朽温厲蚤希魯中叟

退思圖

誰爲箴規祇自思，藐躬得失寸心知。  
閒參叔簡呻吟語，細繹香山諷諭詩。  
指視嚴於初覺夢，彌縫愧在未能時。  
木蘭堂畔花開落，顧影愁添兩鬢絲。

傳顯字令宜，滿洲旗人。乾隆辛酉繙譯舉人，官至漕運總督。諡襄勤，有卧雲堂詩藁。

靜甯早發

雞鳴野店曉風寒，一枕清宵旅夢闌。  
殘月漸低星未落，曙光送客過青山。

望日宿安國鎮

淒涼孤館卸裝餘，千里關山路尙紆。  
最是無情天畔月，團圓樂時節照離居。

丹楓

秋林無別樹夾道繡丹楓日暝前溪水霜酣昨夜風歸鴉  
迷故綠過客拾殘紅正好停車看春華未許同

呂燕昭字仲篤號玉照河南新安人乾隆辛卯舉人歷  
官江甯知府有福堂詩草

游風穴寺

入山不見山但見古柏樹此柏不知幾百萬株黛色霜  
皮看無數高者如立低如赴橫者如卧斜者覷三三五五  
各盤踞當面齊來迎我步溪轉山迴見梵宮老僧導我幽  
處去層閣俯碧泉游魚樂相聚修篁杳以深亭午留宿霧  
此時心地忽超然可惜洞天難久住長嘯謝山靈行行日  
已暮馬影亂斜陽小橋危可渡沿溪出深山停鞭時迴顧

夢耶非耶心忡忡  
天光嵐影杳何處  
晚煙蒼茫平楚流  
指點不是來時路

夜渡

停騎呼舟子  
霜寒客影稀  
煙浮春水闊  
月湧片帆飛  
戍鼓依樓靜  
雞聲隔樹微  
酒家何處問  
徒倚待朝暉

華山

蒼然秋色接雲臺  
乘興登臨見九垓  
海日斜連仙掌動  
天風高擁嶽蓮開  
空濛絕塞黃流遠  
縹緲雄關紫氣來  
咫尺眞能通帝座  
振衣千仞幾徘徊

李華國字懋德一字經亭黔西人乾隆辛卯舉人歷官

漳州知府有雙蔭軒集

詩話懋德恭勤子文采斐然歷官永康百色揭陽羅定皆有政績擢守漳州未至卒在永康創修州志其

詩爲法梧  
門所稱

班固集言四卷之一五

五

### 春暮

一雨江光欲近城，數峯橫翠海雲平。  
楊花含溼初飛岸，野草侵闌不辨名。  
斜度春風雙燕語，曲穿新綠一僧行。  
不堪寥落關山意，三月江南唳亂鶯。

### 勞勞亭

衰柳秋風第一亭，送人山色向人青。  
長隄車馬終年事，落葉蕭蕭獨自聽。

冒方華字相銘號吟樵如皋人，乾隆辛卯舉人，官麗水知縣。

### 壬辰冬日同人集卽山廬分韻得聲字

不管人間歲易更，客來空谷愜幽情。  
一江煙水團鷗夢，十

月風霜凍雁聲挂壁昏燈侵鬢冷灑窗白雨入詩情着英  
社遠文章在萬古無寒此夜盟

彭淑號秋潭長陽人乾隆辛卯舉人官吉水知縣有秋

潭詩集蟾芝集

摸椿行

賊初起時將至一村集必先得其里一人夜  
則縛以入其里使之以姓名捶門門啟即設  
先縛者而又縛此人入其室搜殺已卽又以所縛  
者叩鄰之門門啟亦如之搜殺盡一村人無覺者  
謂之摸椿

夜半黑風吹怪雨前驅豺狼後猛虎鵠鷓羣作人語妖  
狐頭戴髑髏舞犬不吠雞不號鬼伯叩門求其曹以火來  
照揮霜刀殺人如草無喧囂東鄰殺盡西鄰及問客何來  
開門揖千門萬戶排闥入男婦駢頭但柴立尸骸撐拄如  
邱山祝融入夥飛炎煙以人爲燭光灼天羣魔血牙飽腥

羶千牛炙萬石傾上馬捫腹腹彭亨平原廣廣縱且橫不  
聞哭聲聞笑聲摸椿摸椿在何處千村萬落條條路白蓮  
花死不迴顧搖旗打鼓前頭去

守風大孤山懷謝讓堂

美人隔秋水白日淡湖光岸遠蟬聲細天高雁影長晴波  
捲霜雪別浦入青蒼憶爾一尊酒篷窗詠夕陽

傅靳溪山行

信美山中採薜薇麥田驚起野雞飛東風似遣知春晚亂  
灑桃花上客衣

晚泊九江

寒碧一江橫餘霞向晚晴秋深元亮里潮落灌嬰城暗浪  
搖鐙影迴風帶雁聲蘆花溢浦岸棖觸去年情

黃州憶章門諸子

大江春水拍天流萬頃波中一葉舟  
南浦故人相憶否斜風細雨過黃州

胡啟文字樸園永綏人乾隆辛卯舉人官羅源知縣

與孫生

溪州遠上碧雲端負險當年此彈丸  
故壘荒涼銅柱在霸圖消歇土居安  
蕭蕭往事如黃葉嫋嫋秋風泛紫蘭  
空谷有人今是玉莫言僻陋少殊觀

水南

碧水蒼蒼護綠疇荔枝陰外有高樓  
雲霞鬱鬱凝佳氣村曲人人識故侯  
客久蠻情徵瑣屑年豐旅食待綢繆  
海天細雨黃昏近松桂蕭蕭滿院秋



倪本毅字復山開泰人乾隆辛卯舉人官樂清知縣  
借春園叟餘集

諸葛洞

萬山如奔馬到此一小東兩岸絕壁相對峙巨石中湧疑  
虎伏雷轟電駭浪花濺水勢爭與石勢觸石怒水號兩不  
讓陰雲慘淡生殼觶楚南估客不敢上千帆夜泊澗溪曲  
負戴紛紛越山嶺崎嶇恍如蟻緣木瞿塘灩澦古絕險軒  
然大波高於屋龍驤萬斛日經過怪此汹湧斷往復崔巍  
古廟覆蒼苔旁有武侯祠居人爭伺溪洞開嗚呼諸葛何時來  
里諺云若要此洞開須待諸葛來

荔枝船

中冠從今重八閩連根移入上林春朱盆到日迎風熟綠

樹依欄帶露新自是遠臣崇土貢早知聖世等常珍差舩  
不用催程緊五月炎歊滿水濱

曹龍樹字松齡星子人乾隆辛卯舉人官如皋知縣有  
星湖詩集

焦山

金山見寺不見山焦山見山不見寺山城四立抱寺門竹  
樹藤蘿鎖幽翠波濤之中無波濤天地之外有天地白雲  
黃葉今古情溫巖紆谷中和氣我來此間得靜觀但見林  
杪危檣紛來去掃苔何處問焦君一枕石牀消萬慮莫管  
煙島茫茫海市蜃樓幻奇異

漁父詞

買得今朝魚買夠來朝米收網曬船頭醜然睡去矣蘆花

淺水邊不在風波裏

地耳余言臣卷之三

七十二過澗

二七之數原屬火此七十二水不乾一日涉水七十二過  
水更比過火難五月廿日我到此卓午方開翟家市急促  
征夫趁前程亭長攀轅曰止此去七十二澗河桃嶺雪  
山風雨多山雨每于午後釀新漲一來人葬波前年豫省  
兵餉到使君不聽良言告嚴催車馬向前行自攬花驄作  
先導豈知霎時雨滿山山濤四面來更暴人騎行李沒處  
尋半贖餉車在泥淖與君同是解餉人其餘不必爲君道  
君請權停半日驂行止明晨僕來報聞言我且宿邸家次  
曉紅旭弄川華萬里無雲天正好急命僕夫起羣車果然  
盤山夾一澗一澗屈曲走驚蛇斷岸千尺攀不上旁澗四

出亂如麻何年吳璘開地網到此真同井底蛙橋約舟楫  
兩難施涉者褰裳等跳蝦車聲鄰鄰輪齧石馬行蹙蹙蹶  
語沙虎豹蚪龍各千狀鳥不成鳥花不花前到會甯五十  
里邑宰遣人特道喜我自過來覺平常不料逾時飛白雨  
若使此時澗中行隨波逐浪可知矣想見大雨時行時行  
人多似尾生死我聞秦始皇鞭石有奇方何不驅此陵谷  
作平場又聞西蜀王五丁開徑荒何不鑿此山腰走康莊  
我欲運南山之石鍊汾水之銅選鄧林之喬木採渭川之  
修篁訪名匠于魯宋在此百丈崖上造成七十二座跨水  
梁

蔣履字禮山臨海人乾隆辛卯舉人官南平知縣有蔚

霞堂詩稿

燕都清明寫懷

山村門徑長蓬萊燕子歸來雨一犁坐向小窗春睡足何須朝市問端倪

重過黔南

寒燠變昏旦穿雲去去遲懸崖鳥撒路短草暮春時野寺看泉竇山田散雨絲歸心正愁寂怕聽鷓鴣詞

陳寅字心田海甯人乾隆辛卯舉人官廣東知縣有向日堂集

黃雲歌

黃雲慘慘日不昨迴風捲地沙亂舞是誰怨氣激爲驚濤聲沸天中有十萬八千兵民鬼聲苦舟人告余云是新戰場停舟欲覩不忍覩我聞去年此地生妖氛登岸茫茫詢

田父田父涕泣爲余言吾鄉本是繁華土鱗鑲櫛比十餘  
里水陸交衝納商賈百年涵煦荷國庥自幼不聞喧戰鼓  
去年妖星落山左一方如遇白額虎聞風早避脫羅網踉  
蹌不及身被虜天兵迅捷如雷霆摧枯折朽遂立剖崑岡  
玉石同時焚血肉紛紜那堪數僵尸相屬流水紅百里而  
外猶臭腐岸上白骨堆如山往往野犬相搏取豺狼已盡  
狡兔死逋逃稍稍望衡宇行人歸來失舊廬居者失業富  
者窶金堂珠箔沈灰燼碧檻丹楹亂罌甌夜來四野飛青  
燐飄飄忽忽散復聚亢戾之氣薰蒼穹自冬徂夏天無雨  
陌隴枯槁麥不秋飲食同以供三鬴田父田父爾勿憂廟  
謨日夜屢編戶大臣承旨加恩施不惜帑金用安撫佇看  
匝地黃雲開甘霖疊沛若膏乳天今福汝善良民噫噫與

與實倉庾

伊卒漫興

亙古窮荒一旦開如麻白骨亂峯堆河魚萬里流腥血石  
炭千年化劫灰雪爲人繁潛作雨天因地闢漸行雷於今  
羈客棲遲處五色山花爛漫栽

自慰

聞說生男冀遠謨四方有志啟桑弧也須行盡天涯路始  
信人間一丈夫

苗令琮字季黃號雪巖山西鳳臺人乾隆辛卯舉人官  
甯鄉教諭有喪天一瓢山房津門等集

詩話季黃蚤歲孤寒矢力風雅沈歸愚  
謂爲魯連太白一流人物詩特奇橫

讀元遺山送李參軍詩因寄鐵崖

女莫作王明君男莫作班定遠尊爲閼氏貴封侯一去邊  
廷竟不返鐵崖趙侯古俠者平生足跡半天下弔古欲射  
錢塘潮依人又躍燕山馬擊筑長安里買醉章華街纏頭  
十萬錦窮愁安在哉西風易水酒徒散酣歌走上黃金臺  
隱居深閉太行足楊柳門前幾回綠四時空失慈母歡一  
朝難得八州督我昔南行七閱月歸來親鬢有華髮空空  
兩手登高堂我母見之若饑渴因憶逢君林屋西君言失  
意今當歸故山春色又週歲白頭望斷萊子衣衣如鶉兮  
馬如狗跋涉三年竟何有請君三復遺山詩扼狐嶺上應  
回首

長平箭頭行

銳頭豎子勇如虎長平穴中鬪羣鼠四十萬人灰燼飛耕



甲州集卷之十一  
十一  
作髑髏山下土狼牙三脊人血腥青碧斑剝銅花生冷光  
射我迫難視吼作丹川鳴咽聲波流赤血下殺谷滿眼污  
泥鬼雄哭寒風颯颯吹陰沙斷簇殘兵怨馬服吁嗟乎爾  
曹自死平原君趙括小子何足云當時豈無廉將軍昇平  
遺箭猶存在留與耕人作銅賣

崇安寺

一徑入雲窩盤迴出薜蘿溪風到門盡山色上樓多銜果  
青猿至衝煙白鳥過空林清楚遠徙倚欲如何

讀蓮洋集書後

蓮洋詩格駕漁洋嶽色河聲鎮大荒仙佛因緣擬裴孟公  
卿贈送重錢郎布衣聞望傾三省旅食艱難寄四方慙愧  
誰爲宰相者奇才豈但駱賓王

傳應台字晉三號符菴昆明人乾隆辛卯舉人官永善

教諭

自呂堰趨襄陽

望望章臺道遙遙峴首亭雲生三戶白日落萬山青遠雁  
來衡嶽孤帆下洞庭相思何處是煙樹夕冥冥

陶廷珍字效川號午莊會稽人乾隆辛卯舉人官肅州  
州同有天目遠游雞肋仇池關河等集

盤豆驛

叢山如破衣人似蝨緣縫盤旋一綫中欲速不得縱高塵  
接雲霧填塞眼耳空終朝汗如濯膚曝烈日痛荒驛豎孤  
煙喘定一駐鞚水漿乞茅店安得量瓶甕出關馬已瘠望  
嶽目猶送長途聊自遣羞作步兵慟

宿射樹坪

磴道盤空盡斜坡接小村半山遙見屋深樹不知門水磨  
喧人語風鐙露石根卸鞵聊住腳雪夜夢難溫

關山

秦中門戶瞰臨洮萬仞崇岡壓巨壑鑿險路分鷄首隘盤  
空人俯隴頭高雲移絕壁開熊館雪滿長溝設虎牢此去  
涼州風土近馬肥苜蓿酒蒲桃

洛陽

瀍流西繞洛陽城海內爭傳赤縣名地枕長河周下邑天  
開神府漢東京故宮秋草銅駝陌老樹斜陽杜宇聲況是  
經過風雪裏藍衫破帽感書生

百齡字子頤號菊溪漢軍旗人乾隆壬辰進士官至兩

江總督協辦大學士封三等男諡文敏有守意龕集  
詩話菊溪撫粵數月調督兩湖去之日士民遮道留  
肩輿不得行至夜乘馬出城作感恩紀事詩其第三  
首云不教藏過宰官身夾路香籠照水濱豈有去思  
留異日從來直道在斯民同其好惡情能洽釀以詩  
書氣自醉付與諸公勤撫字未妨單騎出城闈指此  
事也後復奉命督粵降海盜張保斬從夥百餘人有  
句云嶺南一事君堪羨殺  
賊歸來炎荔枝風致可想

汴梁渡河

竹箭隨流幾曲奔誰探星海瀉高原六鼇排浪迴嵩嶽三  
峽轟雷下禹門城角檣帆秋雨霽渡頭沙蹟暮雲屯河清  
共祝安瀾慶況復金隄次第論

贈杜西林孝廉

典墳淪靈府文字餘芳馨清濁流派遠判若渭與涇作者  
入堂奧祕鑰門常局紛紛釘飯家何由窺儀型杜子老斲

輪甘苦皆已經鼻比教不倦光風噓戶庭理窟洞觀火詞  
源高建瓴肘腋驅萬卷囊括無畦町當其興會至洋灑筆  
不停一讀三歎息春夜鐙熒熒金鐘發妙響扣之慙寸莛  
脂炭向矮屋蕊榜聯文星及今斗杓回起蟄來春霆

雨中飲何玉峯廣文齋中遲范叔度比部柴珠江舍  
人不至

金鴉墮水白日匿碧城朵朵山鉤連黑雲如羊在天上挾  
兩騰蹕鳴雷鞭須臾溝澮潦水急怒濤澎湃驚晝眠小奚  
扣門食指動如聞海上傳瑤箋爲言斗酒藏之久況有黝  
甲同擊鮮是日食我馬不辭泥至酣淋漓直到官牆邊老饕  
據座箸齊下銀瓶倒瀉吸長川人生醉飽豈易得二豪不  
至何拘牽主人對我慘不樂攢眉但說寒無氈大羅會上

一回首才名流落三十年半綰欲丐升斗粟長官笑罵書  
生酸宿塵堆案弟子散破窗僵卧吟秋蟬我聞此語長嘆  
息士逢知己從來難杜老詩因鄭虔瘦貢禹冠爲王陽彈  
古人交誼重氣節所愧汲引無微權曲逆當年亦貧賤如  
公骨相甯屯遭蓬生麻中當自直丈夫何必求人憐以酒  
酌君觥累百磊塊澆散開心顏王戎起舞唾壺缺壁間況  
有絲與絃天公一笑善解意忽收屏翳明嬋娟留髡日日  
飲一石會須炙輶來談天

書城南寺壁

溟濛花寺隔煙蘿鈴語宵深喚客過走壁龍蛇燈影動傍  
簷烏雀樹陰多舊游人已隨雲散壯歲心還與墨磨濁酒  
半壺禪榻穩打門無賴是風婆

秋夜寄懷時泉

秋夜鳴秋心涼森掠庭樹短檠一孤影隱几夢屢寤關河  
阻且長伊人美無度寂寥懷好音斷雁隔荒成

修篁墜清露月色忽零亂開簾千頃波耿耿溼斜漢我懷  
淒以清感茲節物換人生適意難所遇多羈絆蒲柳畏及  
秋髮白倏忽半思君如寒蛩長吟不能斷

宿西苑直廬同坦園作

山氣沈高閣溪聲過短牆暝禽爭選樹倦客對支牀天近  
星河接官閒歲月長故人多好句題壁墨留香

遊尺五山莊簡約齋

五尺城南韋杜莊疎簾清簟坐斜陽竹坡雨洗梢梢淨荷  
渚風翻葉葉涼隱砌蟲聲秋宛轉隔城山色暮蒼茫筍輿

藤杖尋詩去佳句憑君貯錦囊

章煦字曜青號桐門錢塘人乾隆壬辰進士官至文淵

閣大學士諡文簡

題景福泉 兼 雪泉圖

欲寫清白意何如此雪泉幾人同臭味一紙感雲煙是見  
前生相因添見在緣江湖已歲暮相對正怡然

鄒炳泰字仲文號曉屏無錫人乾隆壬辰進士改庶吉  
士授編修官至吏部尙書協辦大學士太子少保罷  
以中允贊善降補有午風堂詩集

還山吟

秋色正蕭灑我行歸故山南山山深斷行路白雲去去何  
時還秋巖幽絕瑤草碧綠蘿緣洞不可以逕攀長風吹落



嶺頭月流光，倒入長林間。手持赤城杖，飛度蒼霞嶂。金仙一笑導我飲，一杯未竟已神王。手解青囊所服之素書，但見朱文綠字紛殊狀。我問靈修笑不語，海日欲出天雞唱。嗟予落拓作人羞，此生常作名山游。幽澗鳴泉繞石室，便擬一葉凌滄洲。

登燕子磯俯江亭作歌

我騎白黿浮江迴，江雲蕩出千蓬萊。一峯斜掠落江外，飛潮倒瀉橫江來。乃知石燕啄江涘，化作危磯屹如此。濤頭激突勢更奇，三面崕呀不能艤。是時八月暑氣收，山色在水秋。江秋歸舟一點天，末吳中吾友今來不須與。濤湧天地愁江妃，十隊漫江遊琉璃。堆破銀山浮巉崖，失勢慘欲流。坐客不語聲啾啾，欲下不下牽衣留我登絕頂。逸興

發一飲千鍾未肯歇危塗立足自深穩氣與風濤兩衝突  
俯窺巖洞窈復深解衣欲探蛟螭窟此地誰知別有天漁  
子江潭自出沒桃花何必問桃源攜竿坐待山頭月江潭  
幽絕共忘機殘蘆風定白鷗飛他年重證結鄰約起看煙  
水籠漁磯

登三宿巖

虞雍公題  
名尙存

人言寺在山茲獨山藏寺玲峯何嵌空舊日江濤致巖名  
號三宿勝地雍公次憶昔海陵驕采石百萬幟晨炊玉麟  
堂權潛忠未至犒師非督師轉敗出人意不生裴度忠臨  
安恐終覬翩然文武才貞哉社稷志江帆一夕收千載題  
名字傑閣閱興亡雙塔經移置遊人石磴還尙說前朝事  
靜海起鐘聲江鷗沒沙際

楊建齋寓居玉泉山西盛言流泉之美惠一小甌作

詩謝之

郊畿品名泉玉泉乃第一由來天上味茗笈未殫述支流  
分小勺甘冽療宿疾君住玉山西茶香銷永日見我噴噴  
稱一啜或過七我本二泉人幾載縮京秩詩腸枯似藁談  
口膠如漆著屐擬尋山十約九仍失啣軋小車來隔巷疲  
驢叱攜將春甕月貯此幽人室雖無竹鑪煎沙缶松濤溢  
新涼迴角枕清味蘊緇帙歸夢到山房僧來話禪律

登岱

蒼崖迴合磴千重直上天門紫氣濃絕頂無雲生下界深  
宵迎日自中峯玉苔陰潤懸淙澗仙佩朝鳴偃岫松經峪  
幔亭頽落盡不須高唱溯登封

鐵保字洽亭號梅庵滿州旗人乾隆壬辰進士由郎中  
遷少詹事官至兩江總督吏部尚書降洗馬賜三品

卿銜有梅庵詩鈔應制詩玉門詩鈔

詩話梅庵少與百菊溪法時帆稱三才子書名亞於石庵覃溪既登甲科詩名益盛嘗采輯入旗詩集百全集為十卷呈詔旨優答賜名熙朝雅頌復手定其在雲外至氣韻宏深如河流發源天上集中諸作五七古出入韓蘇神似少陵七律則唐十子遺音游樓霞登最高峯有天外澄江穩不流之句袁子才極稱賞之其論詩貴氣體深厚氣體不厚雖極力雕琢於詩無當也又謂詩貴說實話古來詩人果能直書所見千萬一作虛語敷衍必落前人窠臼果能直書所見以造物之布置為吾詩之波瀾雖千萬古人不能籠罩我矣學者多服其言

久雨

久雨晝昏黑餘陰暖幽屋天影逗明晦雲脚遞伸縮枯楊  
發新姿低藤下深綠土花夾荒逕垣衣被牆木散髮走廣

野振衣睇層麓潛蛟匝奔湍激雷閉窮谷快意溯清流開襟逆飛瀑六合清氣蟠一吸欲滿腹窅然發浩吟環坐媚幽獨

草書歌

蒼頡不識篆蟲鳥開天荒史籀不識楷古法遺鍾王聖人作書祖造物天地不得留微茫草書有名理盛自漢與唐杜度埒崔瑗狂素階顛張心法授受縱奇變牢籠百態驚愚盲譬如彼蒼鑄萬類物具一體無相妨飛潛動植各有勢短長肥瘦誰能量又如將軍坐帷幄運籌百萬網在綱韓信兵多多益善善指揮方位爭趨踰方其執筆時意靜神飛揚洪爐火激迸列缺晶盤冰滑流珠芒蒼鷹盤雲縮爪甲奇石攫壁春硯硯陰陽姤接作向背子母孕化交縱橫

枯槎百圍臥瀚海女蘿千丈縈扶桑忽然墨冷筆華澀陡  
接渤澥波瀾狂書成不快意大叫週迴廊舉頭天尺五雲  
物相低昂欲碾太山爲研石欲抉東海爲墨莊凌鑠大塊  
寫生態睥睨雲漢摹天章二十八宿走且僵帝女大笑揮  
霞觴丈夫師古但師意安能描頭畫腳忍與朽骨爭媿媿  
我歌草書歌未央飄風驟雨來虛堂依稀不曉神靈意莫  
向蛟龍攫處藏

古赤銅刀歌

天地起肅殺蚩尤作五兵赤刀重天府鑄出昆吾精古來  
神物有顯晦茲刀何以鳴不平森森入手不盈尺古製斑  
剝難知名建平永安年號闕玉環金削無眞評鵬鶻膏冷  
主花澁烈鱗形蝕寒芒清赫連龍雀耀冰雪苻堅神術埋

榛荆何人新豐醉貰酒何人燕市歌送行遂令三寸露光  
怪神彩奕奕聲鏗錡我把此刀重歎息古光照人雙眼瞪  
背嵌翡翠色閃灼柄刻蝌蚪紋縱橫胡爲塵埋數千載吹  
毛削玉功無成今茲出土尙完好發硯一鼓揮長鯨吾聞  
寶刀貴大用一嚮之割非所爭善刀而藏計亦得鋒鏑內  
斂鞘光明慎勿小試鏤鄒鈍翻使牛刀笑武城

後赤銅刀歌疊前韻

君不見干將鏤鄒世必用祖龍作計徒銷兵首山赤銅躍  
大冶牝牡變化韜元精當時鑄此豈無意擊出欲剗君山  
平遂令造物忌刻削埋垢千載無知名風雨剝蝕鏗鏘鈍  
鉛刀一任人譏評質擬赤金重色如秋水清不入呂虔佩  
遑問聶與荆蛟龍避藏魍魎走深山大澤堪橫行胡爲匿

影書案側寂然鉅響收鏗鉤陰房夜吹鬼燐碧毛髮淒緊  
睛雙瞪龍寶不出脈望死畏此雪鏢寒光橫摩空巨刃乏  
神力懷鉛握槩終何成有客南山殪猛虎有客東海殲長  
鯨書生喜說萬人敵乃於文陣矜鬪爭用違其才器不利  
湛盧精銳羞蔽明何如寶劍遇雷煥化作斗氣騰豐城

蜀鏡詞

鏡徑三寸六分重十兩有半背作寶相花入  
盛雙魚海螺之屬銘曰鍊形神治瑩質良工

當眉寫翠對臉傳紅如珠出匣似月停空綺窗綉  
幌俱涵影中凡三十二字小篆按張君房麗情集  
載蜀後主衍幸鳳州天雄節度使王承休  
妻嚴氏有美色衍愛幸之賜以妝鏡云云

貪狼風起角聲勁一夜宮妝醉猶靚歌殘月缺百寶灰拾  
得當時破銅鏡鏡背猶鑄寶相花龍垂鳳倚爭盤拏三十  
二字篆文古曾隨折戟埋黃沙青城山下人如玉鼓聲震  
破甘州曲寫翠傅紅能幾時紫珍神死苔紋綠金精玉英



光陸離興亡有鑑誰能窺方頤大口諛貴相咄哉狎客詞  
多厄天陰月暗扶天閣颯爽英姿劍芒灼一從取贈天雄  
軍美人笑奪羣雄魄吁嗟乎君王愛鏡鏡蒙塵蟾蜍夜蝕  
悲青燐化爲三趙村邊土愁照宣華苑裏人

破寺

破寺何年建荒涼四壁存驚沙埋野徑冷日抱頽垣夜黑  
鴟爭樹人稀虎到門更無僧駐錫燈火息朝昏

春夜

北斗崢嶸鑑薄帷讀書聲緊漏聲遲烏嘯偃月初暝後鼠  
竄枯鐙欲跋時壯志漸隨春夜老苦吟未許硯冰知放翁  
詩卷嗣音少後五百年狂者誰

登攝山最高峯

危峯削劣千巖外瘦削芙蓉入渺溟龍虎氣蒸鍾阜白金  
焦影蘸海門青時平莫問山多隱僧老方知藥有靈欲訪  
江郎舊亭館碧雲紅樹幾飄零

書懷

珥筆韜弓出玉關周妻何肉累全刪夢依吳越江山外身  
到崑崙碣石間刁斗不聞沙漠靜簿書常簡柳衙閒白頭  
尙有登瀛福坐擁殘書伴老孱

華髮蕭騷事遠游萬三千里此淹留乍依西域日中市親  
見黃河天上流兩路回夷分彼界八城將帥喜同舟半年  
謫宦超都護投老涓埃懼莫酬

莫瞻棊字青友號韻亭盧氏人乾隆壬辰進士改庶吉  
士授編修官至兵部侍郎兼順天府尹有硯雨山房

詩集

粵東詩與陳簡亭同賦

水浮天遠望無涯  
四季如春暝更加荔子香  
生三伏雨木棉紅起  
半天霞寶行海鬼知均稅  
畫艇珠娘號載花比戶  
檳榔堆滿棹便於享客當烹茶

合浦還珠待孟嘗  
伏波橫海舊開疆  
吸筒春曉餐蕉露  
曲簿秋晴曬蔗霜  
浪靖蜃樓都斂息  
時清蟹戶亦馴良  
六篷船倚檳榔樹  
處處飛紅看佛桑

續前題與宋奕巖同賦

唐宋人驚瘴癘  
天天荒破又幾年  
嶺南總是同文地  
海外兼通載寶船  
獵盡鴉媒消毒種  
潮逢龍媾採香涎  
韓蘇遺蹟應還在  
摹向端溪硯上鐫

地接扶桑日早烘探珠人勝掘雷公洋行領袖閩商占苗  
洞山川象郡通孔雀尾開金扇綠巨蝦壳製寶鐙紅海航  
往往風旋去吹墜山頭一葉同

題王覺斯畫山水

昨夢茫茫燕子磯煙雲渲染景依稀山圍白下青如許留  
待何人賦採薇

再覩燕山鳳闕雙年年漁叟憶煙江子陵未約君同去誰  
畫巖灘七里瀧

春坡臥犬圖題和朱素人韻

獵罷春眠襯落紅恥隨狸隱繡簾櫳主恩報後金鈴解溷  
跡桃源洞府中

梓桐祠訪朱白水

吳門驄馬澳門船薊苑重歸又幾年江濱東流終到海星  
文北拱總朝天畫留兩代傳家筆貧賈三春種藥田依舊  
叢祠租屋住相逢訝我鬢蕭然

平恕字寬夫又號餘山浙江山陰人乾隆壬辰進士官

至戶部侍郎有留春書屋詩集

詩話餘山生際承平迴翔館閣輶車所至搜奇訪古  
悉寓於詩門下士金匱願皋序其集謂爲風雅亦江  
山所助誠  
確論也

清遠峽飛來寺

是日阻風

西峽何有空雲煙二禹獨富林與泉泉聲百道出澗谷樹  
影密鎖重崖圓我從白廟湖中宿迢迢百丈山腰牽峰回  
路轉入疑碧一灣綠淨波淪漣今朝況是浴佛日入門簪  
歎朝金仙禪房雖好未暇坐欲趁腳力窮幽妍古苔滑汰

入石犖确半嶺瀑布懸奔川小亭恰占瀑勝處烈風迅雷  
下九天松聲水聲不可辨咫尺霧雨霾層巔山僧留客淪  
清茗佛桑一株紅欲然飛來古寺更絕頂細路策杖螺盤  
旋杜鵑苦號山木戰紺霜夜降丹葉鮮嶺南少紅葉今峽  
中四月見之山深  
也故寒試登高處一憑眺三十六峯羅眼前濛濛雲起溼衣  
袂颺颺風緊無行船歸猿洞古碧環杳阮俞徑在蒼瑤堅  
僧言此寺壓鳳背兩厓展翅如騰鷲果然便恐復飛去榕  
根藤蔓牢糾纏脫巾松下聊小憩了了不覺空塵緣幸逢  
不晴復不雨得攜賓從頻流連羽人縹緲不可接蘇文斑  
駁誰所鐫搜奇攬勝十日少走馬來看安得全臨行更訂  
六月約要聽萬木吟風蟬

龍爪峽

桂陽山攢劍鋒快峽裏諸峯都倒掛萬條鍾乳作之而日  
炙風吹堅不壞兩厓岌巖闕飛動俯瞰江心弄澎湃蟠蟠  
盡護蒼黑雲雷欲起雷霆怪左擎右攫向客舟引蔓懸  
藤爲驂絙升天戲海聊一見導以霓旌蔭華蓋緣厓滴水  
已如簾更抉銀河瀉清派一掌擎空瀑怒飛散作滿川煙  
雨靄輕如夢絲濃若雲未半隨風捲天外頗疑取水作甘  
澍噓吸川巒成狡獪中流墮石亦大奇細皺玲瓏勝雕繪  
泝流漸進知更佳平生已覺茲游最

自柳泉至彭城

黃流宜迅不宜緩迅若激箭流乃安遇隘縛虎束必急寬  
則設險揚其瀾古人豈不慮舟楫不以小利遺大患龍門  
底柱天所制縷隄鑿石人工殫力與水戰始得畫隄守要

使沙隨水去爲其難有如呂梁百步洪神禹不鑿留噴  
何年任塞作平地上流失險致弱單一曲一直天意亦如  
此務蓄全銳如飛翰譬若行三軍大將宜桓桓軍令不專  
肅所過皆凋殘奈何黃流底淤滯成高灘前年豐沛過水  
處今變沃壤家室完去年曹汎決未塞浸及銅嶧無遮闌  
蕩漾四五百里間瀦爲大澤清不湍連朝迂折傍水走但  
見青影浮巖巒今朝挂帆三十里楊柳披拂同蒲萑上隄  
試望河舊蹟繞城一綫如蛇蟠高於漫水八九尺此不可  
掘彼又何時乾聖人憂民切拯溺上策善建防河官

圖敏字時泉滿洲旗人乾隆壬辰進士改庶吉士授編

修厯官內閣學士有時泉百一草

詩話時泉任司業丁內艱以旗人無終喪禮乞病假  
開缺守制服闋後適高宗召見掌院阿文成公詢



問翰林何人學問最優以時泉對卽晉侍講素喜吟詠而豪多散佚其子雲樵從交舊處哀聚之僅百分之一云

過灤河

不問灤津兩度秋滔滔依舊繞山陬沙明兩岸沿疎柳橋  
隱雙虹臥碧流輪向怒濤聲上轉雲如奔騎足間浮陰晴  
萬壑歸延攬遙指前途說舊遊

羅修源字星來號碧泉湘潭人乾隆乙未進士改庶吉  
士授編修歷官侍讀學士有湘煙書屋詩鈔

九月崇效寺登高因至法源寺

空庭落葉又成堆近郭招攜勝引來古寺夕陽偏有色寒  
香老圃未全開圖傳妙墨松聲寂閣倚晴空雁影迴珍重  
大安殘碣在恩恩更與拂蒼苔

裴謙字子光陽曲人乾隆壬辰進士改庶吉士授編修  
歷官侍讀學士有竹溪詩草

讀李布樂布列傳

梁楚燕齊各播名將軍義氣並縱橫壯夫珍重千金諾烈  
士從容五鼎烹堪羨曹邱能揖客可憐彭越爲徵兵髡鉗  
備貨都非辱有志從來事竟成

李穰字滄雲長洲人乾隆壬辰進士歷官順天府丞有

惜分陰齋詩鈔

王蘭泉曰三百篇皆以所能鳴願未嘗自稱其詩惟  
吉甫作頌乃以爲穆如清風而謝公論詩亦言是語  
最工李君滄雲生吳下吳之風古未嘗列於十五國  
也而讀其詩穆然以和澗然以清風而進於雅非有  
得於吉甫之旨不能

讀韋左司詩

恬澹本性情下筆便高潔常能參妙化自得養生術我讀  
韋公詩一生無滯鬱曠然任吾天言動由真率淵明後一  
人冲虛亦樸實唐書攷新舊無人爲撰述詩人失傳多惟  
公不當佚自公爲衛郎意氣近豪俠折節復讀書至味歸  
清絕一麾出守郡隨處留詩別眞機舒性靈淡然天籟發  
掃地坐焚香習靜神無奪豈必求神仙何用更學佛開元  
至貞元百餘十歲月人皆見公容精神不衰竭有詩送太  
白無與少陵筆或者未識面蹤跡天涯闊清景憶平生空  
山求隱逸晏起望青天園林愛藏拙應知養主事詩外無  
他物神來有化工終身無痼疾千秋乘至誠夢想依歸切  
許學范字希六號小范又號芋園錢塘人乾隆壬辰進  
士歷官刑部員外郎

詩話芋園先世佐洪文襄幕有陰德芋園知雲龍州定鹽井均輸法有惠於民母馬年逾八十五世同堂及芋園又得元孫母猶健在賜額日一門再見七子皆登甲乙科芋園居橫河橋從弟修門居金洞橋武林世族首二許猶裴氏之東西眷也

玉岑樓紀事詩

愛研載籍列丹青王母雲旗擘巨靈躡括名山柱下史虛靈妙果佛天經畫圖細寫荆關筆事蹟分題鍾郝型一樹藤花陰滿院清風曲檻挹微馨

李堅字敬堂祥符人乾隆壬辰進士歷官刑部員外郎有萱壽堂集

新秋雜詠

薄暮天氣佳翠黛潑遙嶺重重抱煙霞暖帶光景況逢新雨過微風送清冷松花灑面輕微芳靜彌永連峯寒響

深晴霄孤鶴騁素心亦何如人與空山靜

許兆椿字茂堂號秋巖雲夢人乾隆壬辰進士改庶吉

士授編修官至漕運總督有秋水閣詩集

詩話茂堂初自詞林入諫院言事忤時相降刑部郎  
邇翔中外三十餘年撫黔浙粵三省督漕皆有惠政  
自桂林上官淮浦經善化縣贖誤漕爲糟寄以詩曰  
平生不作醉鄉侯況復星軺速置郵豈有尙書兼  
部漫勞明府續邱讀書字要分魚米過客風原是  
馬牛聞說頭銜已遷轉武岡可是五綱州時善化令  
已遷武岡牧  
故結語調之

題吳明府石門山圖冊子

荆山揚鏗爭摩天欲斷不斷浮蒼煙千盤萬疊石門出峭  
巖一坼流奔泉橫橋直架洞底壑漱瓊鳴玉聲濺濺溪風  
吹翠溼欲滴老樹挂壁根空懸梯山鑿石盤鳥道古藤百  
尺愁攀援茅檐一一負嶂立夜半駕鶴來飛仙如何造物

不自惜更於絕壁窮雕鏤青萬仞門呀然一步一使心  
迴旋如鴉蝠撲人面似乳石髓滑不堅天風掃斷塵埃  
蹟杳杳時有閒雲眠使君青眼了不負亂山堆裏居三年  
拂衣一旦擲官去綠陰處處嘯春鶻祇留山色在圖畫未  
妨羞澀囊無錢驅車京洛塵滾滾興劇一放黃州船雪堂  
月好快把酒江天萬里清而妍此時披圖發長嘯石門之  
山落眼前要留面目對山色豈可飢餓供人憐我歌未已  
君忽笑此語未足聞時賢置圖一鼓瀟湘絃衆山響笑空  
中傳

過萬小莊與同人小集

塞上雲多易作秋垂楊何處起邊愁羣山碧重煙初合魄  
月明生火已流小立森寒添半臂大言論事愧長頭無端

搔首驚清聽不斷飛鴻叫遠洲

上元日山海關卽事

春月初圓第一宵別離草草路迢迢還家夢是今朝好明日關城隔更遙

吳俊字曇繡吳縣人乾隆壬辰進士歷官山東布政使有榮性堂集

陸太守朗夫招飲賦謝

濟南太守與我厚僚佐森森匿屏後惟將華嶧兩山雲付與詩人納懷衷玲瓏窈窕看不足更向城南弄鳴玉道人十日九逢迎顛倒餅罍貯寒綠太守憐我苦吟詩邀入寒廳共酒卮軒前老鶴側翅舞華鐙競奏竹月絲歷山城頭亂搗鼓一綫涼蟾漏秋雨籃輦扶醉獨歸來急爇松明煮

雲乳

立秋後七日省中夜直

北斗七星低可捫  
禁城鐘鼓動黃昏  
心懸連日羽書至  
坐覺一更草露繁  
燭花然夢弄孤耿  
秋樹語風多暗喧  
樓角迢迢轉河漢  
攬衣不寐欲忘言

羅舊驛館

行看嵐翠潑人衣  
坐覺溪光冷入幃  
境美最貪茶後睡  
身輕差熟夢中歸  
山銜楚雨黔雲起  
鳥掠湖煙嶺樹飛  
一曲芷江清徹底  
美人不見思依依

李翱字逸翰號春麓又號約庵金鄉人乾隆壬辰進士  
歷官浙江杭嘉湖道有秋影山房詩藁

重過瓜洲卻寄雨窗中丞



金焦似惜別被蘿水中立挂帆山影移瓜洲泊蘭鷁南望  
通虎林北去是鳧繹循陔同素心往事動人憶愛日各舒  
暢聯舫度潮汐甘脆互相獻承笑分餘瀝春旗楊柳風滿  
路皆歡色此樂倏如夢今生不再得九載重握手病鶴歸  
飛急江路此經過撫景心惻惻夜來水聲咽重爲余歎息  
劉大紳字寄庵甯州人乾隆壬辰進士官朝城知縣署

武定同知有寄庵詩鈔

詩話寄庵宰朝城舊有疑獄未能決部議當流曹單  
民釀金贖公辭委之車中行過某地河決盡用以濟  
溺民未及流所新城曹單民復釀金贖之知終不合  
於時棄官去送者雨泣皆呼青天寄庵自言於詩博  
好唐宋大家嗣從王李格調之說後則奉新城神韻  
爲圭臬而兼用近人之所謂性靈者常謂格調中未  
必有神韻而神韻即在格調之中神韻中自有  
性靈而性靈不能在神韻之外論者以爲知言

答客問山中

曾爲山中客記得山中路曲折清溪間轉入雲深處門前有桃花屋後有梅樹今日梅花落君看桃花去

與長山道士修一

羽客關東歸自言得祕術五年居深山專直如一日山中  
有猛虎爪牙利斧鑿洞底有修蛇目光照石室土人經見  
慣時亦或股栗羽客十餘人洗心藏於密晝夜門不關虎  
羊而蛇蛭自是身意忘甯關物我睽卽今城市間虎蛇未  
可必願如深山中庶幾保無失

城頭看落日歌

百雉城頭看落日大如車輪去何疾須臾倒影失空青勃  
鬱紫光迸飛出東南雲氣奇爲峯嵯峨陸離幾千重西北  
晴霞散成綺疑駕彩鸞驅赤龍頃刻雲收霞亦斂半天紅

即前集卷之二  
爐火閃閃直教海水鎔丹砂傾向層霄未能染城腳下視  
烏鴉歸隻隻背上金色飛晚景如斯真可樂豈必崑崙馳  
斜暉造父停鞭聽吾語汝縱欲追何處去銀河淺淺朱樓  
深又見疎星度牛女

潭西精舍晤桂未谷廣文時未谷暫請假

夫子無爲者蕭然此賦閒新疏泉一道小築屋三間避俗  
偏鄰市參禪不閉關恩恩歸太早何日再追攀

贈牟松巖主政

巷有苔痕座有塵多情杖履轉相親羣將善罵依名士獨  
以無爭到古人花受風光原勝雨山含秋意不如春龍門  
晉接今容易從此交游日飲醇

贈王蘭畹董竹溪二孝廉

王郎矯矯雲中龍當霄吐氣飛白虹長安人海時白雄天  
下健者惟董公跼天躋地羞庸庸高巖巨壑生松風二子  
論文非苟同炯然各具雙青瞳新城秀水兩宗工南施北  
宋爭雲從四家幾欲千古空後生小子多悒慵偏將腐草  
嗤祝融此如人已登岱峯我猶侈口談東蒙吁嗟菲薄眞  
何衷師門弟子身可終安能糞壤污鴻濛近覩二子開心  
胸其光奕奕聲隆隆人間得此如駟蚤何當鞭石東海東  
相攜大醉蓬萊宮慎無笑我心有蓬

贖歸引

出關何年無入關亦時有誰知七品郎官歸贖自兩縣百  
姓手官視百姓如仇讐百姓視官豈父母云何兩縣風氣  
殊謫戍其官引爲咎或咀於社或祝神或聚而哭或狂走

或欲慷慨三公陳或欲匍匐九關叩其小人曰必歸公公  
不卽歸我顏厚其君子曰必歸公公之歸也義不苟方今  
天子眞聖人仁孝聰明本天牖公有祖母年及耄公有母  
氏亦多壽若公之子以情聞公不當歸衆人後鍤贖之說  
古有之國典公誼兩無負龜卜筮卜卜吉同衆乃唯唯不  
否否青錢早信輸乞兒白璧不煩待良友風霜奔走皮膚  
皴道路哀號面目醜萬千人心同一心長安市上歎未有  
春風策馬居庸還關內依依曳楊柳繪圖題句盈篋笥其  
榮乃與使相耦回首一官值幾何天之玉成意非偶於今  
歸來月八九處處家家進雞酒深閨兒女無所知往事言  
之尙疾首曰愧無德何以堪作此詩焉志永久誰與兩縣  
新城曹誰與贖者一窮叟

贈楊升菴先生遺像題後

議禮何人集上臺東華哭罷極南來簪花擁妓神仙骨縱  
酒狂歌宰相才生得中谿堪作主死求太白可同埋先生  
自愛名山老不是君王不放回

南詔碑歌

開元宰相魏公逝金鑑千秋瓦礫視天寶宰相楊國忠不  
恤唐家帝業墜御史太守皆重官何況堂堂節度使辨明  
賄入權門中未夕龍光已立致南邊雲下爲荒陬此輩安  
能萬里寄誅求法令交相加如以飢狐餓虎餒狼子在野  
心難馴不德何鹿不走避知古李旣絕姚雋朝王煜亦貪  
蒙舍利國小衆分聽指揮以一並五制不易可憐宗女歸  
南蠻龜茲樂部遠頒賜敬義黎未還虔陀張張上位貪淫

太縱恣飲酖難酬君王恩辱國空貽將帥媿當年若省楊

羅顛何至中官

賈奇俊

逞魑魅鮮于仲通何人哉甫薄白崖

敵已備軍將儉魏段虓虎如天運王空作點蒼次西洱河

邊金鼓衰八萬唐兵剩有二胡顏遁去生見人請看吐蕃

正得意南國大詔兄弟邦金印煌煌號東帝冠帶珂貝駝

馬牛倚祥樂進捧冊至鳳子大將有告身贊普鍾且改元

志遂令李宓何履光再將十道重兵棄軍忌深入猶不知

一遁一沈並可詈竟築京觀龍尾關二十餘萬國殫齒是

時君王方色荒沈香亭畔豔妻醉宰相掩敗仍敘功在朝

文武半諧媚南蠻拍手笑不休德化豐碑蹲鼯鼠其心自

望唐使來其言深荷吐蕃庇官寮寵幸都尋常盡載碑陰

發長喙降人鄭回甘撰文流寓御史乃作字是爲天寶十

有三明載天子幸蜀地我聞稗史言戰時閣邏鳳妃術怪  
異閣陂和尚鳳其昆一朝千里忘險陂煌煌天朝十萬兵  
維彼妖人殲其類固知此語荒唐多干羽兩階有往事白  
衣山人亦吾師招撫吐蕃斷右臂蜀中鎮撫兼得人鐸稍  
鬱刃納天吏頭盤跳脫金銀光樂部歌姬老猶侍足明向  
背當日心憂國有人定殞淚惜哉一叛四十年封岳祀瀆  
已僭擬太和門外望殘碑欲攬天威逕前轡天子須聖宰  
相賢其次以謀或以智前有李泌後韋皋高駢繼之快人  
意不見貞觀細奴邏刺史錦袍早在笥

黃河清字文徵號潤川臨海人乾隆壬辰進士官宜春  
知縣有樸學堂詩集

棧中雜詩



入棧始益門日與平地遠山深箐復密時就茅店飯崖腹  
洩雲封壑隙奔雷輞萬盤梯青冥一竅鑿混沌俯窺怪鳥  
巢橫穴猛獸圍人肖木皮瘦石鬪鐵蹠踈壯哉淮陰侯漢  
道首開墾放翁志亦豪秋風思磨盾慷慨懷昔人努力上  
修阪

崇山夾人行古道行逾仄天罅藤蘿光晝蔽楓林黑陂陀  
遞出沒明暗俄通塞相遇但睥睨停驂仰脅息去路窄不  
知前途暝日色

宿霧挾嵐飛路向霧中上霧倏在下方人作天際想眞如  
寥廓翔梧竹許嗣響驚飈忽吹開絕頂延清賞秦山貼地  
堆秦川平若掌居高誰思危一落千丈強

暝投山莊

未知何處宿深竹一鐙懸野碓春明月山籬漱暗泉叩門  
孤客倦具黍主人賢安枕翻無寐沈吟木雁篇

潘有爲字卓臣號毅堂番禺人乾隆壬辰中正榜官內  
閣中書候選道有南雪巢詩

侍御灘

咽石奔流急灘聲晝夜哀千篙齊屈鐵雙耳震聞雷涉險  
乃前定思歸將再來如何當暑月霜氣逼烏臺

顧莖初名陶尊字堯峻號思亭宛平籍長洲人乾隆癸

巳召試舉人官常州教授有鶴皋草堂集

詩話思亭應召試詩題爲春水船如天上坐是時  
高宗正巡視津淀御製擬作用析木津屬對未愜意  
諭就試諸士皆用此事思亭句云分明析木津前過  
最是桃花漲後宜大稱旨朱筆規其旁定第一一時  
傳誦思亭篤於內行詩中思親念  
弟纏綿惻怛尤多表章節烈之作

澹園

亂山秋欲老，曲徑葉還飛。行盡烏嗁處，方知客到稀。苔紋  
深印屐，竹翠溼沾衣。坐久心俱澹，層臺斂夕暉。

重至石城橋贈別

江北江南漾麴塵，石城煙柳不勝春。如何前度銷魂樹，又  
向西風折贈人。

陳石麟字寶摩，海鹽人。乾隆癸巳舉人。官山陰教諭。有

小信天巢詩鈔

詩話寶摩系出宋菊磻，居士九萬翁，署所居曰小信  
天巢者，紀世美也。績學工詩，教授越中門下，成就甚  
衆。爲時所稱。王梅生謂其詩得眉山西江之意。七言古  
近體渾脫，亮頰亦近於放翁。

白雲山

白雲不爲雨，化作窈窕峯。峯巒杳莫辨，時見雲濛濛。我行

入雲中雲氣扶孤筇撥雲露山骨始覺微徑通鳥嘯石竹  
翠池照巖花紅攬衣下絕巘斜陽挂孤松臨風發長嘯清  
響答遠空挂頰一回顧茫茫白雲封

石柱峯

峩峩兩高峯對峙盤煙霧有石爲幹柱草木絕依附撐空  
幸不孤特立回不懼猿猱不敢攀飛鳥不敢度倒垂日腳  
寒仰受雲氣護削非鬼斧成突使行人怖山靈骨無頑相  
看得奇趣陋彼亂石岡或倚或僵仆

秦望山

遙破由拳地脈摧東南厭勝祖龍來試看芒碭生雲氣回  
望咸陽付劫灰山鬼有靈知歲事神仙無藥澹人災三千  
海外童男女想見桃花別島栽

秋吟

把瓊持螯素願違昔時芳草夢依稀春華庶子誰言采秋  
士淮南怨未歸舊燕飄零猶作客敗荷蕭瑟不成衣援琴  
正值涼颼發遠望白雲何處飛

戊申秋暮過揚州弔南園兄

江風送客晚蕭蕭月冷蕪城第幾橋曾是白頭漂泊地夢  
回重聽廣陵潮

夢游大滌洞天歌

我聞道經三十六洞天近者莫如大滌山前身何年枕石  
眠至今夢中游戲如飛仙仙乎窟宅誰卜築洗髓伐毛凡  
幾族清風颯颯浣我腸流水泠泠濯我足仙禽無形但聞  
聲搗藥似喜還丹成真人丹鼎何處塵青青籜葉無根蒂

巋然兀峙洞霄宮紅日杲杲懸當中前有奉祠後提舉忠  
定公朱文公有遺像二公之神自千古山精木怪遠遁逃虛堂晴亦  
飄靈雨烏虓蓬萊弱水有清淺無塵古殿爲焦土老仙不  
死閱滄桑願與忠臣孝子共此日月長姓氏不須留片石  
空虛之中靈境闢逢人說夢我非癡高山景行嚮往之吾  
宗衣甫舊游此九峯景物能屈指臨安近在咫尺耳徧游  
五嶽從茲始

青藤書屋歌

青藤山人呼不起至今猶見青藤枝孤根入土走蛇蚓老  
幹出屋蟠蛟螭藤花垂青不垂紫與天一色覆天池天池  
之源分天漢靈光特顯山人奇山人負奇有明時才名深  
受幕府知胡公憲宗憲戟門夜開布衣入長揖談兵人聘聆佯狂

終免一世殺投老快與十子齊大雲坊裏降生處安石榴  
花安在哉藤如老仙長不死古屋數椽神護持物傳有數  
奇者貴重以手植誰能摧退巢居士大書在

陳老蓮  
洪綬

閱數

姓後名不移無波徵君裔孫秀名賢宅里嚮往之重葺家

塾薦蘋藻更乞鉅製懸高齋

中丞阮芸臺先生有  
重葺青藤書屋記

我來書

屋瞻遺像藤陰習習春風吹涼秋花發杯酒醉南山何處

青蚪飛

晚晴移詩匯卷九十五終

晚晴移詩匯卷九十六目錄

秦瀛 九首

孫文煥 一首

宗聖垣 三首

李維寅 六首

師範 七首

任逢運 一首

孫先振 三首

程尙濂 十一首

尹廷蘭 三首

高文照 六首

吳蘭庭 三首

徐元英 三首

周錫渭 二首

陸藝 二首

沈峻 五首

孫玉庭 二首

吳錫麒 十三首

徐如澍 三首

盧遂 二首

范來宗 二首

曹錫齡 一首

李廷敬 三首



汪如藻 二首

李蘧 一首

王念孫 四首

顧宗泰 五首

汪輝祖 二首

趙鈞彤 二首

周錫溥 四首

朱恆慶 一首

蔣知讓 三首

殷希文 二首

鍾廷瑛 二首

宋鳴璜 一首

薛稻孫 四首

袁文典 一首

晚晴移詩匯卷九十六

徐世昌

秦瀛字凌滄號小峴無錫人乾隆甲午舉人丙申召試

授內閣中書官至刑部侍郎有小峴山人集

詩話凌滄承蒼峴家學故以小峴自號因以名其集  
獻賦行在獨知賦題出處得蒙賞拔以舍人值樞密  
出領監司應浙湘粵諸省三陟貳卿歷所至山水  
留題賓朋酬接輒形諸歌詠從容和雅具見承平文  
盛物之

送友之金陵

南朝一片月只在板橋西樓笛隔江起宮鴉何處棲故人  
自茲去今夜宿青溪孤枕應無寐秣陵秋已悽

水閣

欲雨不成雨涼陰生四圍溪雲浮閣動沙鳥入門飛身世

此無事乾坤聊息機漁歌傳別浦柳外一船歸

金鼓洞

竅窾出古洞洞壑復森沈不聞金鼓響樵斧在遠林清風  
竹間至蒼苔滿秋陰白日忽高下碧雲無古今孤花媚寒  
礪幽樹悅眾禽當其萬籟寂自得山水音忘言憩磐石雪  
乳流衣襟

江上有懷

江波如此深此是故人心攜我江邊夢聽君膝上琴調高  
風易斷音苦月先沈太息廣陵散相思楓樹林

興桓道中奉寄家叔父平涼

紫塞秋深木葉紅一年離思逐崆峒亂山匹馬燕雲北古  
郡斜陽隴水東雁影遙連沙磧暮笳聲寒起戍樓空焚香

簾閣多清暇應有音書寄北風

爲槎客題小桐谿山館圖

山人著書好家住小桐谿嵐氣穿林合松陰與屋齊看雲  
孤鶴過傍渚一禽唳白髮吾將隱尋君共杖藜

松寥閣

高閣層崖上披雲坐翠微嵐光留佛住松色挾江飛獨此  
飯香屑寂然生道機悤悤又城市還未著僧衣

聞賣花聲

一架荼蘼映畫屏賣花聲裏夢初醒渾忘八十年光近還  
似兒童枕上聽

渡黃浦至平湖

春申浦口午潮生及到斜陽潮始平風便東湖挂帆去弄

珠樓上笛三更

日用乘言圖卷ノ二

孫文煥字有堂綿州人乾隆甲午舉人歷官貴州糧儲道有海樓山館詩鈔

邳州晚眺和鄧居仁韻

綠雲彌望水迢迢澤國秋殘木未凋柳色全迷村市暗河聲直下海門遙白門煙雨供憑弔黃石功名付次寥碧水自流人自去更誰指點授書橋

宗聖垣字芥颿會稽人乾隆甲午舉人歷官雷州知府有九曲山房詩鈔

書王太守平山堂宴集詩後

古蔭堂開大雅傳蜀岡風景重名賢紅橋愛看初三月碧椀新嘗第五泉小杜難忘歌吹路右軍仍在永和年暮春

良會同修禊眞賞樓頭奏管絃

揚州晤童北視因懷二樹

過客停橈訪故知欣然把手慰調飢紅橋一水沿城郭白  
髮三年悵別離夢草定應懷舊句畫梅畢竟愛連枝聞君  
近作西堂約花萼春風會有期

晤袁薌亭先生

紅豆村中認故人特施一榻且容身重游祇覺青山舊先生  
曾守肇慶久別相看白髮新似水宦情何況老生花筆意不關  
春快心聞道隨園叟屢鑠今年已八旬

李維寅字春旭號欽伯大興人乾隆甲午舉人歷官龍

州同知有廉餘詩集

詩話欽伯自學錄令廣西義甯勸墾興學捕治妖僧  
擢牧左州西陲苗變募勇禦寇開隆愛山解冊亭園

送著戰績歷攝宣化養利永甯全州河池諸州縣遷  
龍州同知居官二十年不名一錢染瘴而卒生平高  
朗伉爽詩如其人

舟中懷紀小癡

幽人耽朝眠楫師借清曉輕風帆舡遙村挂參昴冥濛  
衣上雲罨藹煙中篠延緣度溪灣闊爽見晴昊春波魚尾  
莘旭日雉鳴鷺眷茲物華妍悵彼知音杳抱琴期不來深  
杯爲誰倒

由鹿砦至蘭麻嶺

客袂吹山風雲容寫清鏡絕澗旣乘桴單椒復尋磴孤城  
面巉巖其下明汀澄錦石紛璘玢芳田互緯經文鱗潛可  
數暮翼歸相命白雲陡欲升翫若饋炊飯似聞豕出糴已  
見林垂暝循帶警早寒衝煙取微徑何處蘭麻嶺松梢落

疏磬

銅鼓歌

著雍涪灘月過午我官宣化獲銅鼓村人百指昇升堂寶  
氣騰騰籠一府爲言耕耨萬山中夜半風霆嘯荒圃一鋤  
忽落一搥跳搥瞥飛空鋤缺腐坤維震盪雲根頽萬綫霞  
光出深土神物乍見驚牛羊公裘同獻陳樽俎傳觀愧比  
厓還珠欲捫先愁指畫肚虛中頑下微束腰徑二尺強高  
尺許規平鏡面突麤臍十二蟾蜍餘六五水沙剝蝕體漸  
輕乾坤陶鑄年幾所血斑厯落按蜥蜴翠蘚爛碎鸚鵡  
上文雲云下雷同彫刻龍蛇雜亞斧羌無篆籀識歲月誰  
憑色相辨今古我聞苗民守重器犴烏獐花都老主婚喪  
盟會置酒羊庭前敲折金釵股流傳禮器譌兵器紀代標



名無乃魯大曰伏波小諸葛鑿空何異周庭替伏波馬式  
傳駱越不聞鑄鼓配銅柱諸葛行軍未到粵敗鼓甯遺魚  
復浦紛紛記載辭無根靈鼉一吼喑不語昔日金公撫西  
粵曾向節樓樹崇廬三過孰曉鐳鏡節五聲無當滕薛譜  
莫教師旅率征人差堪琴瑟迓田祖弗鼓弗考我心戒大  
鳴小鳴勁氣沮笑謔村農寶什襲醉詠詩歌狂搏拊韓潮  
蘇海不可作伐鼓淵淵人起舞

柳州道中

野草無情碧斜陽向客紅亂山藏虎氣匹馬入松風悵望  
長安遠嶽噉世路同古來多謫宦曾此歎途窮

漢江

漢陽新漲布帆輕檢點郵籤問水程雲外好山如我瘦江

邊孤月與人清煙波到眼知行色雞犬離家有故情初向  
天涯嘗遠別夢回觸忤權歌聲

送湛上人之剡中

沃州自昔擅談空尙有旃檀聞逆風一權獨尋秋磬去六  
朝山色雁聲中

師範號荔扉雲南趙州人乾隆甲午舉人官望江知縣

有金華山樵集

詩話荔扉詩倔強自喜不屑屑字句間法  
梧門稱之曰負聲若折鐵抽筆如纒絲

晚抵汶上縣

肅肅賦宵征迢遙汶上城疏林殘雪影古寺夜鐘聲歲晚  
愁行役年衰減宦情萍蓬歎流轉徒戀此虛名

揚州雜詩

容易消魂是此州杜樊川去跡仍留繁花落地香猶活翠  
竹臨波影共修新水一篙通板渚溼螢千點隔迷樓錦帆  
至竟成何事潮打雷塘土半邱

廿四橋邊跡已塵幾家園館互爭新林巒出沒難爲畫山  
水零星亦可人地夾江淮據形勢土兼南北見精神雨絲  
風片嬌無那誰起王郎賦冶春

雨泊聞笛

丹陽河窄水齊腰客路停篙繫石橋船內笛聲船外雨一  
鐙紅照可憐宵

轉斗灣紀事

昨泊轉斗灣日猶未卓午同湍抱圓沙宿鷺起前渚七旬  
船中居蹢躅弗自主上岸豁煩襟村墟近可數胡爲好門

閭十室已逃五道旁白鬚翁又手向我語是本繁庶區兩  
次遭賊侮猴年夏四月東阡正種黍誼聲西北來羣狼附  
哮虎民房與神祠一炬成焦土剩此殘病軀餘盡供刀俎  
金帛皆席捲害更及商賈百里無雞豚千家斷礎杵承平  
已三世乃忽遭痛楚宵寒鬼多呼兒或呼父勸翁且無  
悲共坐吾告汝天子今聖神制帥仁且武實政發實心下  
飭州縣府間有諸不逞籌勦亦籌撫秋禾卽父收野蔬猶  
可煮尙勿輕流亡妄向山林聚誰能撤丁男誰能絕宗祖  
鑿井耕爾田謀生莫辭苦翁起喘而嗽喃喃杖頻拄若果  
如官言萬事可復古茲創總傷心西去淚如雨歸舟對青  
鐙詩成月初吐

題蹴踘圖

青巾黃袍者宋藝祖對而蹴踘者趙中令  
衣紫者趙太宗居太宗之下者則石守信

中垂於前者黨進年  
少青衣者楚昭輔

尺幅淋漓足生意寫出開寶年間事開寶君臣好身手政  
平往往共游戲笑語疑聞九天祥雲護衣日照地絕技  
甯輸曹子桓餘風直到宣和帝黃袍一加十國淨玉斧偶  
揮六詔棄龍行虎步果英物兄終弟及留祕記半部書傳  
趙韓王雙圈眼識黨太尉惟石暨楚皆可兒回軍都與陳  
橋議散錦團花極飛揚趕星捉月分向背頭籌奪得爭歡  
呼么膺亦可關神器君不見一毬起一毬落兩旁觀者俱  
不弱五朝八姓如奕棊倉卒李鷄連郭雀習勞甯厭筋力  
痛投石超乘終嫌粗鬚眉顧盼森欲活媿美成周無逸圖

十七夜對月

豈意中天月翻於此夜看山從一更吐秋已半樓殘漸覺

清輝滅誰憐瘦影寒懷人心正切不敢再憑欄

任逢運字太初號午橋聊城人乾隆甲午舉人官將樂知縣有憶存彙

鉛山道中

風雨南屏道崎嶇石罅行人煙連浦樹水碓雜灘聲山遂溪多曲雲低雨易成鵝湖何處是憑弔遠含情

孫先振字岳庭善化人乾隆甲午舉人官隆平知縣

清風峽

一磴盤旋入翠微晚來煙靄合雰霏四山風雨龍初出百尺松杉鶴獨飛幽谷稍聞樵唱發中峯時見寺僧歸藥苗新長黃精盛擬辦長鏡與短衣

岳麓寺

明詩卷之十一  
碧蘚蒼苔路幾重禪關終日白雲封定中老衲鬚眉古春  
盡深山草木濃百丈寒流朝洗鉢數聲空翠晚鳴鐘六朝  
風景虛岑寂牘有巖前一樹松

抱黃洞

幾度雲峯策杖過傳聞遺蛻此山阿虛壇晝靜鳴樅檜古  
洞春深長薜蘿千歲猿猴綠樹上一羣麋鹿出山多丹池  
藥鼎今陳迹笙鶴飄飄竟若何

程尙濂字敦夫號息廬永康人乾隆甲午舉人官健爲

知縣有心吾子詩鈔

吳穀人曰斂之而益肆縱之而愈醇不沈臆以病辭  
不漫誕以傷理以爲太白殆神似焉而且擬阮公之  
雋則太白之濫觴也兼長  
吉之奇則太白之支流也  
詩話息廬詩不一體五言擬古百餘篇乃極經意之  
作七言縱橫動盪吳穀人祭酒謂其神似太白然思

力鑿刻又近東野集中讀東野詩云盤硬瘦難嚼茹  
冰寒不漸稜稜太古鐵噤痒不可支神蚪化纖鱗中  
有干之而又題黃仲則詩云青天祗一氣鎔鑄爲奇  
人代典間起爭輪困厚薄視魄疆視力不歷此境烏  
能神皆道出甘苦近體  
神鋒雖鶴尙未深造

擬古

物生任自然道在因其利治水禹何神行之以無事靈蠢  
萬不齊本難道里計因物而付物尙毋鑿以智酒醴與鹽  
梅和羹賴調劑能以食鹽死懶以飲酒斃鹽酒甯鴆毒彼  
固非其類稟或狂猥殊克亦剛柔異治醜乃割脣膝癢竟  
搔背杓鑿本不入參商復何怪膠柱眞徒勞疇爲決聾聵  
弗作病中譜弗作夢中囈至人有心鏡迎機在神契探微  
及秒忽躬躬忽如畏

木折必通蠹牆壞必通隙患氣中忽微轉瞬已紛積積柔



能洞堅剝若雷穿石補救已末由空勞拔山力智士能燭  
幽小恙若大敵密率相乘除其幾不容息滋蔓胡可長根  
株亟剝剔

浮生忽如寄轉瞬卽幻相世變相乘除因之成習向皓月  
湧銀濤天風爲鼓浪落日挂遙峯紫綠忽萬狀變滅無定  
蹤于何窺巧匠拘儒困圭角狂土苦奔放大道無多求云  
胡墮塵障希夷自太虛清風爲搖颺翹首大羅天疇參無  
上上

海上

海上仙人唾作花腰垂文綬玉琳華白鸞翅滿蓬山雪未  
鯉鱗開闢苑霞一自丹泥蟠石鼎幾勞絳節駐雲車歸來  
笑指紅桐樹可有靈根出露芽

題聽之詩卷後

晴絲一縷颺春空  
弱弓纖繳乘微風  
瞥然驚若秋隼擊  
鬼彈中人瘴如墨  
驂騎生馬踏層冰  
尺八短劍萬人敵  
大弨五石爲誰彎  
寂寞網絲空挂壁

寒夜吟爲吳貞母賦

寒雞歐歐天欲明  
街頭亂沸蝦蟆羹  
更軋軋緯蕭竟通昔  
紡甄滑汰無觚稜  
一升米一尺布  
斧冰作糜與兒哺  
十指皸瘃裂如鋸

柳如是

君不見韋節度  
枇杷花底招紅裙  
又不見韓蘄王  
青樓女作娘子  
軍胡爲乎黃門高  
義竟持正閉關謝  
卻河東君求凰  
不異瞻烏苦鶯  
儔燕侶誰爲羣  
四海茫茫竟何託  
火中

蓮葉霜中筠茹葉空自苦食蓼空自辛蹇修乃憑狎客致  
且親風雅辭蠶塵已焉哉鯨不累子朱不累父由來白璧  
惟自完遇人不淑烏能污綠珠碎身金谷樓婁妃畢命黃  
家渡嶙峋大節炳汗青嗚咽幽懷更誰訴絳雲樓高高插  
天卽屠卽佛三生緣早知節義君難荷但取文章亦可憐

落拓

落拓閒居賦蹉跎感遇詩勳名元豹隱心事白鷗知伴食  
無名指虛文沒字碑鴻冥兼螻屈鱗爪漫之而

送別吳亞白旋里

君行感牢落風雨此扁舟一棹竟流水千峯生暮愁江聲  
隨夢遠雲影與天浮歸及梅花放孤山最上頭

余亦栖栖者天涯尙滯淫每聞煙鶴唳時作水龍吟梗泛

溝中斷材驚爨下音名山誰不負爲爾一登臨

秦夫人硯歌爲雲楣賦

秦夫人良玉將略具詳本傳其檄書章奏皆自爲之世罕

知者爲武功掩也陳子雲楣謁夫人祠墓作長歌弔之嗣孫懷庭報以夫人所遺硯雲楣屬題爲賦

句長

秦夫人眞將軍將軍能武兼能文白桿縱橫萬人敵奇功  
書作垂天雲生小學書仍學劒草檄飛章留一硯片石眞  
同玉帶生血染淪糜淚如霰一出平播州再出殲奢酋河  
山破碎箭滿眼乃欲孱婦補此已缺之金甌督師早以蜀  
爲壑中丞已入賊之囊請纓則易借箸難萬夫之雄一箇  
弱孤軍慷慨先勤王努力撐拄支危疆平臺召對誠僅事  
況復宸翰垂煌煌雲楣居士拜祠廟古木荒煙一憑弔感  
爾高歌泣鬼神瓊瑤竟效投桃報硯修七寸廣半之古製



侏儒一囊粟頭銜慙與故人看

游佛峪感懷林汲師

開皇千載後梵宇至今開仄徑穿雲入羣峯尾岱來秋陰  
生大壑木葉下靈臺林汲泉邊過淒然奠一杯

高文照字潤中號東井武康人乾隆甲午舉人有東井

山人遺詩

詩話東井早擅詩名朱竹君督學皖江與黃仲則同  
入幕襄校稱二才子數奇短命亦與仲則身世略同  
所輯韻海入十餘卷及其他著錄歿後均爲族人子  
散盡哀簡齋爲詩哭之云四十萬言書誦畢入千餘  
紙手鈔忙不知一片心  
頭血客邸誰收古錦囊

題杭太史堇浦世駿嶺南集

荔子蕉花國雷耕瘴母鄉山川闕秦漢草木管興亡集有  
虞衡志歸無陸使裝空留佳句滿傳唱到珠孃

望黃龍洞擬游不果

玲瓏卞山麓奇絕在金井巖戶怪石函乖龍喚不醒清秋  
斂雲霧迴望突高頂日暮足力疲去路愁耿耿夕陽澹鴉  
背谷口送人影松子時一聞歸樵下西嶺

北湖

暝雲如粉雨如酥淦淦湖光浸綠蕪柳亞朱欄爭戲馬山  
平畫檻喚提壺笙歌都入煙花記士女全披金粉圖合典  
驪裘早行樂臨邛紅袖正當鑪

放櫂

臨風放櫂出菰城笳簫依然舴艋輕莎岸斜暉孤鳥去板  
橋疏柳一蟬鳴舫聲搖曳漁歌遠鷗夢生涼客思清領取  
白蘋洲上路溪山如許戀吟情

鐵槍行

將軍之矛丈八尺矚目當橋勇無敵力士之錐百廿斤大  
索十日虛無人天生異人定自異何物彥章憑壯氣赤腳  
入棘不足神手弄一槍等游戲由來槍利馬必驍豈有巨  
馬三丈高沙陀義子等聞耳浪說使鐵如使篙嗚呼豹死  
文章人死節不在區區一塊鐵

三至隨園呈袁簡齋先生

花未開殘酒尙香人間彈指小滄桑丹沙擲後都成壟那  
得麻姑鬢不霜

吳蘭庭字胥石歸安人乾隆甲午舉人有南霽草堂集  
韓信嶺

一徑走峻阪崖壁若環衛行行漸幽黯如入永巷內日御



歷綫天見午不見未亂山匙木石蠢蠢惟積塊堆阜忽俯  
瞰突兀壓我背脈疏質已離砉然恐其墜勢險比巖牆疾  
驅思縱轡卻怪繞馬首抗行斷復綴保無或偶然適與禍  
機會頗聞漢韓侯奮跡致高位一蹶中危法乃爲兒女賣  
詎伊非英豪良由昧進退卽今弔荒冢行客發深慨懷懷  
抱微軀羈孤彌自貴

雀鼠谷

土炕冷無煙夜分氣淒惻啟戶整行裝一庭霜月白跨馬  
行數里依稀見曙色迤邐冠雀津夾立積鐵壁汾流出中  
間束縛益蕩激閣道互崖半偃仄瞰不測前驅振金鈴後  
騎躡其跡登降遞隱見不離一水側我生閱奇險劍棧曾  
未識心揣將無同顧步喪精魄造物何恢恢設此觀人力

古來幾雄才長驅遂奮戟廢興迭相倚所恃非阻阨行客  
獨躑躅蹙蹙安所迫

過文石山房有感牧圃先生

安昌絃管最風流池館荒涼幾度秋豈有虎賁憐北海空  
餘馬策慟西州他年國士誰青眼此日書生已白頭瓠落  
自慚知遇厚一尊重與酌松楸

徐元英字子干黃陂人乾隆甲午舉人有懷文堂詩集  
別嚴十九赫庵

且住爲佳耳遲遲亦孔憂病憐妻子瘦貧累故人愁日落  
江山靜天明水木秋鄉心與別意對酒總難酬

東羅莖九

關心去住感飛蓬澤國秋陰望不窮半樹水痕存岸柳一

明詩集卷之十一  
林霜信到江楓天連夢渚遲歸鷓地接瀟湘響暮鴻惟有  
羅含能好客淹留聊賦小山叢

送關密齋下揚州

一路江花送畫橈到來瓜步恰新潮吳娘曲裏瀟瀟雨知  
在蕪城第幾橋

周錫渭字湜甫一字默耕號晉漁湘陰人乾隆甲午舉  
人有志古齋詩鈔

武昌寄梁仲泉先生

新秋檐鵲曉窗譁玉宇西風漢使槎夏口濃雲晴繞郭南  
樓明月夜生華域中耆舊仍三楚亭畔笙歌擁萬家十載  
門牆重接席槐陰清映碧煙紗

鄂渚離心日夜潮故園歸路總迢迢經年客路三瀧繞此

去扁舟一葉飄細雨黃陵漁火暗西風紫蓋雁聲遙臨歧  
不盡楊朱感天宇秋清認斗杓

陸藝字正游號漱亭昆明人乾隆甲午舉人

卽景懷華五貽堂

江風吹月上松杪暗泉鳴鐙影凝寒重秋聲入戶輕倚欄  
人萬里對酒夜三更隱隱西峯路曾經此送行

高曉訪友和楊慕如韻

市隱何由遠俗喧欣隨勝友入仙源雲連樹色微分岸船  
載波光直到門但有花時休罷酒得看山處且開樽年來  
頗解幽居趣獨樂甯須司馬園

沈峻字存圃號丹厓天津人乾隆甲午副貢官吳川知  
縣有欣遇齋集

和余慵樓送別原韻

陶令歸來自寡歡折屣豈必戀微官長貧并覺妻孥賤  
遠別其如知己難絕域風霜臣節苦彤庭雨露主恩寬  
他年天末重相見共話青鐙酒未闌

月夜舟中作

片月下高空江山露氣中村深明遠火秋老斷寒蟲  
往事蘆中客新銜塞上翁夜闌搔首望星斗尙天東

西行雜感

太華西來翠浪過亂峰高處見黃河雲霾荒堡歸人少  
風捲平沙落雁多身健卻逢憂患日秋悲況奈別離何  
音書寥寂年光晚剩有豪情對叵羅

抵迪化作

尋河直到大荒流禹畫何曾盡九州瀚海幾程常載水龍  
沙四月尙披裘山圍戍卒羈臣夢城擁風戈露雉秋聖世  
籌邊逾漢代漫教定遠覓封侯

寒食日作

戲蝶輕鷗帶渚花扁舟杜老望京華春風無主還吹雪遷  
客何心更問家深巷賣錫披曉霧青郊上塚簇香車只今  
追憶韶光好倚杖柴門數暮鴉

孫玉庭字寄圃濟甯人乾隆乙未進士累官兩江總督  
體仁閣大學士太子少保罷授編修重宴鹿鳴賜四

品頂戴有延釐堂詩集

詩話寄圃以廉介結主知嘉慶廿年英吉利入貢不  
能行跪拜禮廷議以其倨強遣之睿皇不憚公適  
述職京師以公嘗撫粵知外情召見垂問公面奏弓  
身俯伏卽彼之免冠頓首不必責以中國儀文反復

開陳睿皇大悅其入觀之楚督任詩有敢謂識途  
詢老馬之句卽指此事亦見當時通達外情之難能  
矣

余性愛鞠衙齋隙地皆種之並多栽益盎以待花時  
玩賞比移官黔中猶攜數種以來惟衙署近山閒  
庭褊小又爲荒池所占餘則枯竹數竿蕪葳木石  
而已無地可藝鞠也乃購瓦盆分植之惜其太少  
又於荒池種荷以補其缺今小葉如錢已浮水面  
徘徊吟望率成一章

茂叔蓮花子猷竹癖嗜由來性所獨高致更標栗里陶寒  
香惟愛東籬菊隱逸人對隱逸花應知臭味相投速嗟余  
遠宦廿年強老圃依然三徑荒移官到處求佳種瓦缶竹  
籬綻晚霜黔中道險不可致猶攜數本來殊方衙齋苦嫌

隙地少小院西偏半池沼幾竿枯竹傍短牆數武荒渠雜  
紅寥蓮香竹韻兩虛無芽分細雨及春杪纍纍益益列前  
除也待花時媚霜曉况今廢沼種新荷小葉如錢已蘸波  
窗前縱少媚媚淨雨後猶看苒苒多香清六月及秋晚畢  
竟餐英人意遠得氣之秋我與同非關有意師肥遯時復  
小步向閒庭四望雲煙生絕巘

余甲戌冬述職旋滇丙子春量移浙江夏五復擢楚  
督尋入覲之任計兩年中行三萬餘里將至楚紀

以詩

晚歲頻爲萬里行滇黔吳越又蠻荆承恩半載連移節入  
覲逾年兩到京敢謂識途詢老馬生慙遷木類新鶯漢皋  
湘浦曾游地此日重來倍眼明



吳錫麒字聖徵號穀人錢塘人乾隆乙未進士改庶吉

士授編修歷官祭酒有正味齋集

王揚甫曰穀人嘗自哀所著行於世世多推其驍體  
之文而予所尤服膺者乃其入韻詩也穀人他詩靡  
不工然生峭之音新倩之色超逸之解以南宋金元  
與漢魏六朝共鑪而治雖脫化幾變猶足以知其為  
西泠前輩流風獨於入韻詩則天授自解一洗萬古  
真力彌滿先射命中洞入題腴橫生側附眾妙孕包  
如青綠溪山未趨蒼古  
詩話舊制惟朝考御試館課用詩乾隆二十二年丁  
丑易別表為五言八韻律詩士之習帖括者靡不學  
求聲病金兩叔侍則今兩堂詩墨紀文達館課存彙  
我法集尤有名文達又作唐人試律說選注庚辰集  
以程法開示學者其後京師有九家詩之刻曰錢塘  
吳錫麒穀人有正味齋存素堂曰長洲王芭孫芝音閣  
曰蒙古法式善時味齋軒知不足齋曰靈石何元履  
草堂曰南豐雷維霖筠軒知不足齋曰靈石何元履  
硯農方雪齋曰江陰王蘇儕嶠桑寄生齋曰大庚李  
如筠介夫蟻術齋曰靈石何道生蘭士雙藤書屋揚  
甫各為之序目為試帖詩課合存又云選賦得詩有  
廣備題目近乎類書有專講作法近乎時文庶子

刻同館試律無二者之弊而其書爲掌故設今刪取  
三百篇別爲翰林賦得詩鈔道光王長茂眉張熙宇  
玉田輯七家詩曰大典王廷韶韻堂澹香齋曰葉河  
那清安真修修竹齋曰陽湖劉嗣綰醇甫尙綱堂曰  
盤匡路德潤生裡花館曰江安楊庚少白桐雲閣曰  
塾江李程伯子西澗曰斷水陳沆秋舫簡學齋復有  
輯後九家詩者桐雲簡學尙綱裡花澹香五家外錢  
塘鄭城念橋貽經堂朱階吉絳棧農苑書屋姚伊憲  
古芬環雲閣丁鉅式甫砥碧山房皆集同時  
名輩所作此一代科場功令所關爲附著之

讀放翁集

鐵馬金戈夢不成  
熏鑪茗椀寄餘情  
蘇黃以外無其匹  
梁益之間老此生  
擊賊未忘垂釣日  
臨終如唱渡河聲  
長吟直與精靈接  
千億梅花坐月明

九日登臨江亭

登高故事畏人誇  
九日天涯又水涯  
江影明邊初落雁  
夕陽黃處獨看花  
相思兄弟難成夢  
如此亭臺不是家  
輸與

沙鷗心跡好一汀秋色住蒹葭

釣臺謁嚴子陵祠

肥遯先生志祠堂重此州一星終古客落日大江流帝業  
推銅馬閒身羨野鷗誰傳男子在徒枉故人求幣乃同湯  
聘竿終笑呂投功名輕驥足風雨老羊裘癡甚貽書霸王  
哉洗耳由耦耕仙侶共立傳逸民收我亦聞風起因來繫  
榜游蒼蒼迷萬壑咄咄感千秋大樹凋名將雲臺失列侯  
識誰陳赤伏亭已圯蕪萋白髮看遺像青山有故邱幾家  
綿子姓七里聚漁謳頑懦猶能激孤高不可儔惟應竹如  
意遺響答峯頭

獅子林歌

雄雷震空六甲驅空青塞戶陰模糊卷毛談舌形狀殊逃

盡虎豹豺狼豸諦視細蒼苔鋪伏而不動非石乎陡回  
驚悸生歡娛洞天咫尺開仙都中不百畝蛇綫紆五里十  
里盤崎嶇前之升者孫附塗以踵摩頂仰可呼忽然索之  
又亡逋白日在空午欲晡翻身跳入壺公壺四壁翠灑松  
雨麤松生石隙老更腴不階尺土元氣扶松耶石耶德不  
孤石以松古青逼膚松以石怪垂龍胡天風來往調笙竽  
滿身雲氣留斯須出門輿馬喧九衢胸中了了邱壑俱吁  
嗟乎胸中了了邱壑俱千秋畫本思倪迂

白洋湖對月

午過桃源縣暮泊白洋湖月出水風外悄然帆影孤漁煙  
澹無際遠夢生菰蘆飛鶴從西來松頂相驚呼驪龍起深  
壑簸弄領下珠白光互凌亂眾星若亡逋陰寒交襲人熱

拂一箇無客船爭利涉我獨具酒壺荒波渺千里冥冥念前途

仲家淺

鳧雲吹欲落嶧雨晴不飛萬柳綠無次高低隱斜暉其上  
仲子廟俯瞰漁家磯廟前曬破網牆上堆蓑衣卽是其子  
姓百代猶相依慚予負米人輕自離庭闈願言訴懷抱不  
見劍佩歸天暝水風大月上人影稀安得農丈人雞黍慰  
我飢

題鄭湛若硯銘并洗硯池題字拓本

硯側鐫天風吹夜泉五字下有

明福洞主印今藏王蘭泉延尉處鄭露洗硯池在  
粵東光孝寺翁覃溪學士使粵拓其字以歸與銘  
合裝成  
軸索題

君詩乃在瀟湘洞庭間嗷殘竹魄凋蘭顏乞歸一勺楚江

水手洗芙蓉不自閒此硯從君共往還此池流水日潺湲  
海南遺字老風雨誰念畸人閱歷艱高莫高於鴉咋山遠  
莫遠於鬼門關天令絕域顯文字銅柱細剔苔花斑壺笙  
蘆管盡收拾記成赤雅誰能刪藍胡二月歌羣蠻彈娘妙  
舞搖花鬢鸚之鴝之雙活眼見君手畫蛾眉鸞歸來抱琴  
死忠義片石寂寞留人寰招君魂兮渺渺石有淚兮潛潛  
雲車霧駕安能攀天風颯颯夜泉起明福洞邊聞珮環

文丞相琴歌

琴爲閩中何氏家藏上刻文山詩云松

瑤琴遺世慮君恩猶恐壯懷消後題云時景炎元  
年蒙恩遣問召入夜宿清原寺感懷之作譜於琴  
中識之梁斯儀同年上國  
拓其文來示余爲作此歌

上絃謾謾松風鳴下絃汨汨乃作厓山之海聲當時一彈  
再鼓處山石欲裂天爲驚永嘉道出清原寺雨黑燈昏不

成睡手揮行篋七條絃詩寫孤臣兩行淚泣山鬼兮雲沈  
沈感君恩兮波深深哀哉丞相琴卽是丞相心慘羹尙記  
板橋道麥飯誰哭冬青林景炎時事可知矣空抱壯懷猶  
不已五坡嶺零丁洋可憐道路摧肝腸何如青原山中留  
宿夜清高一曲龍吟長生在南天死北地流落孤琴舊時  
字故友惟留玉帶生西臺已碎竹如意吁嗟乎壞漆淒涼  
五百秋茫茫誰刺海濱舟高山流水臣心在尙欲黃冠故  
國游

虎邱

虎氣消沈鶴市荒東風容易客迴腸貞娘墓上年年柳畫  
了春愁畫夕陽

水閣家家風幔開畫闌曲折粉塘迴冶香輕似落花過快

鷗瞥如飛燕來

看紅看白數花枝傳唱朱翁樂府詞一半櫻桃一半荀送  
春天氣不多時

古北口迤南一帶羣山秀峙松栝特盛

我行趨而東朝暉射我西羣峯側面出雲氣高不低其下  
覆松栝寒重翠屢迷殘雪時一片皎若孤鶴棲茅屋四五  
家樵汲相提攜風吹谷聲墮林束炊煙齊不謂塞上山有  
此物外蹊冥冥若相繫跡往神爲稽

自馬圈子至常山峪

地險不可越客情悄然孤矧復此螺殼輾轉相縈紆兩巖  
束之窘陰憂慘粟膚疑經太古來寒氣尙未蘇長風石脇  
破白日烏尾逋足攝鼉鼉駕心駭神鬼驅下者所欲登但



聞絕頂呼進退難預謀得上爭須臾樓臺現縹緲星斗捫  
虛無鞍馬且將息前途仗撐扶僕夫吻更渴急畀村酒沽  
徐如樹字春颿號雨芃銅仁人乾隆乙未進士改庶吉

士授編修歷官通政司副使

詩話乾隆季年致齋秉政京朝官多阿附之獨雨芃  
及遵義徐立亭觀察準與之忤臺官見致齋或拜跪  
立亭正色曰此非我曹儀注何卑屈至此  
致齋聞而銜之一時輦下稱貴州二徐

費改齋除銅仁邑下問方宜詩以代答

問俗湖南似勞形案牘刪江喧村市近花放訟庭閒試茗  
能消渴煨諸說駐顏樹光相映發人在翠微間

飯煮長腰米盤堆赤甲蔬年豐庖有肉客至釜烹魚野店  
茅柴酒人家種樹書循聲容易致民是葛天初

沈石田小景畫卷爲玉亭文題

幾疊青巒幾曲溪參差竹屋曉煙齊春光應憶江南好樹  
樹流鶯自在嗚

盧遂字易良號霽漁侯官人乾隆乙未進士改庶吉士  
授編修有四留堂詩集

詩話霽漁十三郎能詩一年成一集  
得詩四萬餘篇什之富一時無兩

竹崎阻風

故里何曾遠南風不放行夢依雲外樹家在雨邊城今昔  
悲重宿艱難剩一程蕭蕭歸雁晚又作異鄉聲

邱原午泊

殘溜聲聲水竹西荒村日午數雞鳴舟橫古渡無人處一  
樹野桃開碧溪

范來宗字翰尊號芝巖吳縣人乾隆乙未進士改庶吉

士授編修有洽園詩藁

詩話芝巖爲文正公二十三世孫中年通籍以養親乞歸董理義莊增田千八百畝家世遺蹟搜羅寶守文正公與尹師魯二劉舊藏宗子家西陂以爲贗木後遭火燬而眞蹟爲芝巖甥張蒔塘大令所得奉以來歸芝巖賦詩紀其事年

澗上草堂

至大臺嘉慶間重游泮水

無復遺民在空存舊草堂  
牆故蝸有跡桂老蠹無香  
澹墨供揮灑清風動激揚  
何來相訪者惆悵立斜陽

竹塢弔文肅公

威鳳爲儀四海知  
故山何事久棲遲  
吳中鱸膾秋風日  
朝內貂璫毒醖時  
再出已看殘局換  
放歸無復賜環期  
最憐兩月綸扉直  
疑謗交乘未措施

曹錫齡字定軒汾陽人乾隆乙未進士官御史

烏嘸曲爲烈婦棟鄂氏作

烏嘸夜半山石裂白楊風緊愁雲結冰蠶淒斷五十絃一  
曲離鸞淚成血女蘿菟絲本相附旣不同衾當同穴白骨  
長埋冬嶺松青山共對秋墳月人生百年會有盡彈指流  
光何飄瞥惟有堅貞一片心地老天荒終不滅明詩習禮  
本高門取義成仁自奇節幽阡歲歲長苔花不蝕生金三  
尺碣

李廷敬字味莊滄州人乾隆乙未進士歷官蘇松太道  
有平遠山房詩鈔

渡江至京口曉泊

練影橫江日上初風帆一霎入南徐東來萬馬潮方急西  
去千峯畫不如估客檣橈紛聚蟻梵王宮殿半凌虛登高

懷遠情何極六代江山一筍輿

九日同隨軒兄登九成臺有懷涓崖兄曉峯弟

嶺南九月紙鳶飛落帽風輕暑氣微海舶春槽橙釀酒山  
搖秋雨荔爲衣千年歌舞餘荒徼萬里關山共落暉望斷  
天涯音問隔武溪險絕鯉魚稀

弋陽苦雨

水驛蕭騷百感生維舟野戍聽雞鳴愁時最怯芭蕉雨夜  
夜孤篷作此聲

汪如藻字彥孫又字鹿園秀水人乾隆乙未進士歷官

山東糧儲道有經進詩藁

下第後侍家大人歸里三石叔有感賦二律卽次原

韻

兩年失意兼貧病旅況淒涼十倍加形影相憐誰浩歎風塵久駐易思家棲身那覓數椽屋放眼且看幾樹花三伏高樓何以過湘簾權耐暑風遮

兩簸風顛記驛程此心翻羨去帆輕榮枯自昔關才命冷熱田來本性情回首雲山成獨感到家骨肉喜重生么荷髡柳尋常興笑對芳池詠濯纓

李蘧字衛多號祉亭寶豐人乾隆乙未進士授吏部主事歷官江西督糧道

秋日重游山寺

重到叢祠裏于今九載過悲風來古木頽殿倚新蘿村落看仍似兒童認半訛西山千萬疊依舊夕陽多

王念孫字懷祖號石臞高郵人乾隆乙未進士歷官直

隸永定河道罷重宴鹿鳴賜四品銜有丁亥詩鈔

詩話石隱覃研樸學體大思精校理經史羣書博證  
審擇會通貫串衷眾說而求一是在國朝諸大師中

自立一宗文簡繼之其所撰述沾溉百年不盡會文

正聖哲畫象以石隱父子殿焉其推崇至矣詩乃餘

是歲石隱年二十四寬甫並述平日論詩謂古體當

以漢魏六朝為宗近體則當法盛唐宋人詩佳處得

力於唐人而新其壁壘不可轉襲其貌世徒嗤明七

子為優孟衣冠不知去唐學宋又出七子之下蓋於

詩亦深入闢奧故其所作正聲高格卓然大雅殊不

讓專家也

### 空翠亭

我游空翠亭遂躡空翠窟仄處迷向背晝光寒不入高壁  
散長風到面作飛雪積陰帶江聲冷中石骨裂鉤絡枯藤  
幽剝啄古扉缺虛寺鐘一聲客魂墮溲沱塵氛此俱隔惟  
有仙氣結願得託茅茨終焉養疏拙

河間道中遇雷雨作

連山走雲氣掣電相追飛風吹白草短雨捲黃埃來霹靂  
迸我前嵯峨爲之噉驅車石梁下恂悅精魄迷漠漠鬪神  
鬼慘慘橫蛟螭騰翻躍躔圻陟落銀潢低蒼昊不可仰孤  
光激輪躡百谷同一聲下上爭喧厯移時吐羲魄斜曛暄  
溼衣長虹馳遠景飛挂荒城西行行日已莫僕馬同疲飢  
謝爾朱門子高堂戒勿垂

偕任子田游東阿山中

出郭眇遙岑極目暖蔥蒨跼步陟崇岡幽境齊所願捫蘿  
俯翳屏披榛詫凌亂觸穴發殊響心寂乃能辨林密天光  
微徑轉石狀變落日映前峯後顧采逾絢夕靄薄空翠勢  
與飛鳥散緬想臨淄侯靈躡留山縣才予尋舊谿臨風一



長歎

晚泊湖口

落日澹湖津，遠水平於掌。雲間萬樹浮，天末孤煙上。靡靡  
渚花靜，撼撼蒹葭響。空翠漾我舟，川光夕晃漾。遇物聊自  
適，地僻任俯仰。清風左右來，習習形神爽。浩歌酌餘霞，曲  
盡延幽賞。睇彼孤雁飛，獨掠平蕪往。

顧宗泰字景嶽號星橋元和人乾隆乙未進士歷官高  
州知府有月滿樓詩集

寒山趙凡夫故居今爲法螺諸寺

路與樵人爭，深入寒山曲。緬維小宛堂，曾駐高人躅。邱壑  
構天然，秀野遠塵俗。露滴疏花紅，煙寒芳草綠。中藏一徑  
幽，曲似仙源複。隱君此嘯歌，結廬俯蒼麓。巖間閱寒泉，雪

花滿空谷冷光動翠微  
疏響激幽瀑勝地歸禪宮  
到今仰邁軸夕陽孤磬聞  
歸僧入雲竹

江上漁父詞

疏雲漏微雨方霽月已白  
垂竿夕未歸獨坐忘機  
客斜看孤鷺飛點破遙江碧

眺鍾山

東接青龍北雉亭鍾山  
山勢鬱崢嶸志公舊塔  
頽雲繞蔣尉荒祠夕照橫  
天外一江分極浦煙中萬井入  
寒城榻來更上栽松峴無限  
蒼涼六代情

登閬風閣訪蔣偕公道士不值

拄杖偏宜最上頭羽人何處訪  
丹邱四山春雨空侵牖終日  
奇雲不去樓欲與黃庭參內景  
誰將紫字寫靈修古藤

花發烹泉水綠結煙霞擬再游

題張瘦銅同年梅花冊

去年梅花開籃輿過西磧今年梅花開人在長安陌江南  
江北阻幽期安得一枝寄遠驛瘦銅示我青厓圖使我逸  
興飛五湖空濛香氣滿邱壑此花此筆燕山無人生何爲  
滯京洛故園風景殊不惡嫩寒天氣疎雪晴小橋修竹清  
溪鶴獨來花下撚鬚吟飛飛玉蝶穿雲深春風得意不可  
狀若有仙人招我空山岑題君圖卷與君約有詩有酒須  
商權銅坑銅井他日游兩人索笑梅花角

汪輝祖字煥曾號龍莊蕭山人乾隆乙未進士官甯遠

知縣

詩話龍莊少孤母王生母徐教之成立世稱雙節堂  
初佐幕治官書撰佐治藥言及通籍作宰多惠政尤

長於斷獄撰學治臆說又有病榻夢痕錄則告歸後  
追述在官時事而作慈祥懣懣世傳爲治譜擊精乙  
部元史尤所致力撰本證五十卷他  
所著述二百數十卷彙本未盡刻行

昔有詩二章示二子

昔有兩間屋晨昕西夕照長夏苦炎威炊煙雜茶竈我依  
二母居一經課後效牀前書几陳蚊蚋常繚繞攤書紡車  
旁形影互相弔庭闈樂復樂寬窄那計較卽今擴新居高  
爽向南曜雖殊廣廈觀幸免偪仄諄是處可延佇堂簔隨  
所到誰云熱難避廢書日坐嘯古賢容膝安努力事讎校  
昔有一束書無多手澤在雜誦功易殫文章溯流派一瓿  
偶借人何處得津逮勤勤勉期鈔腕脫敢云億一隅以三  
反周行問向背揣摩顛且精倖邀葑菲采卽今萬牙籤經  
史頗萃蒼餘力羅百家編輯及細碎愛博情轉疏讀多不

日知錄卷之三  
三  
求解譬如寶山回空手徒自慨古賢惜分陰青春可能再  
趙鈞彤字絜平號澹園萊陽人乾隆乙未進士官唐山  
知縣有止止軒橐

辛卯十月歸次潞山鋪

墨王亭畔荻蘆刪放眼湖天曠莽間漁艇遠橫衰草岸人  
家低占夕陽山殘香寂寂荷千頃秋色年年柳幾鸞卻歎  
征車待明發故園空得暫時還

卒戍發伊犁東歸

萋萋塞外草寒沙無深根加以牛羊踐重以烈火焚一冬  
久不死復與春風新春風自皇都萬里釋逋臣東向再拜  
起欲語聲且吞不知當何爲但有涕淚紛上堂交簿書元  
戎勞語温下堂解佩刀長揖辭官軍自惟多疾躬赦宥邀

殊恩所愧犬馬齒十無二三存豈復及鞭策但得長苦辛  
生少南山田死沒東海濬

周錫溥字半帆湘陰人乾隆乙未進士官甯朔知縣有

安愚齋集

詩話半帆少厥俗學成進士歸益肆力於詩古文詞  
及官甯朔驛車塞上西北至阿蘭鄯東南至鄂爾多  
斯凡邊庭所見  
皆紀之以詩

望紫霄峯作

仙宮霧雨春冥冥電影欲掣雷車轟真武真人玉蕤纓空  
中丹劍鏗有聲手縮神圖太乙經攝御百怪祛三彭空山  
枸杞夜吠鳴不但河車之紫英我來均口眺崢嶸三十六  
巖青繞城望不能至心歎驚少時學道已粗成偶然積夢  
通廣庭羣官召草新宮銘綺語未盡千劫更忽忽一墮隨

飛星試將尺宅理榛荆伐毛一洗凡骨腥問神何由息我  
黥舉酒一酌青山青

武昌遣興

長笛吹殘鬢有絲十年疏影漢南枝酒醒峽口聞猿處秋  
老黃州夢鶴時細雨始知江路永西風不覺客帆遲次山  
亭畔寒谿近便擬拈楸問導師

承天寺西夏斷碑歌

藝祖首除藩鎮強虎符合豹中樞藏降王爭執仗下挺逋  
寇末下河西羌夏州保忠族內附繼遷假息招叛亡地不  
過漢一大郡折筆答之如犬羊誰遣輿瓢自剖裂坐使神  
器成敝黻獨能二百六十載鼎峙夷夏爲雄方先時鬼理  
慕華俗窄衣野戰歌慨慷文思起草學士院兀卒署字藩

臣章九經既頒科目建頗革鷗響慕鸞鳳春秋叛人例不  
舉左右記注無賢良至今草木盡頑獷遮迥但見黃雲長  
承天蘭若亦傾圮有石斑駁螭首僵圖書灰滅此獨在有  
似任侏登明堂惜哉神靈失呵護剝落不足搨硬黃向來  
郡志已訛闕何況經今數十霜攤書布席就讐校強測黜  
黜推偏旁一碑天祐十數字攝提歲月俱渺茫一碑天慶  
刊者半撰記略識羊與張銀棺舍利瘞幽闕令我循誦生  
感愴百年殺人若糜沸八功德水誰乞將然猶以此誇種  
落稱壽母后諛今皇南渡宋亦小朝耳山河牛角汴入杭  
獨留一碑笑千古元祐黨籍書奸猖伊川披髮有先兆儒  
墨異術固秕稜國家有道四夷守文字要以扶人綱如此  
斷趺何足惜覽古一嘯西風長



錢武肅王鐵券歌

即田卷百四十一

文皇鑑人如鑑容，凌煙懸照真鸞圖。成二十三將相，爵止寶戶圭桓躬。後來漸有鐵券賜，制沿開國增侈豐。乾元寶應上尊號，其時始莫京西東。汾陽臨淮兩勳德，手柱天闕天襄崇。朝廷恩倖不可數，雁門河中俱內訌。反者輒賜賜者滅，一券何止叢百凶。僖昭以後賞尤濫，奴豎脅主如兒童。餅師階寵藉阿父，行瑜怙亂夷其宗。朱梁事任憤填臆，先時帶礪河山重。篡臣百死豈足贖，貽臭鑿鑿災鏃銅。吳越故家有錢氏，簪履百代餘。祖風圖示乾甯舊，時物金版玉册光。燭空想見當年提一放，毬馬玉帶真英雄。卯金折脰妖鳥殪，潮迴羅刹如奔蜂。惜哉生值唐末造，掃檣落葦無強弓。囊馱偃息待眞主，天運有屬人謀窮。古來虧盈

著深誠煌煌謝表存謙冲日慎一日教孫子敢恃八議撓  
至公不然唐陵宋官闕門牡冶鑪飛無蹤千秋彝器此傳  
在發洩豈不關鴻濛海門綠淨山乳碧尙憶保障先臣功  
勤思忠孝慎守寶家乘美溢古鼎鐘嗟我豈無屈鐵筆抖  
擻老力愁孱慵緜緜展玩再三歎鑄鑿金石難爲工

朱恆慶字念占號椿塘天津人乾隆乙未進士官安塞  
知縣

夜坐

飲罷覺微醺清吟入夜分花蘇三徑雨月破一層雲老樹  
生虛籟蒼苔篆綠紋落梅何處笛幽咽隔牆聞

蔣知讓字師退鉛山人乾隆丙申召試舉人官唐縣知  
縣有妙吉祥室詩鈔

聞秋竹兄客奉天

萬古興龍地孤身跋馬游  
鬱蔥瞻氣象懷抱失牢愁  
長揖將軍客高歌勅勒秋  
平安容易報七十五官郵

悼庭樸

百歲中庭樸驚看綠蔭疎  
蚪枝墮微雨蟲蛻積平除  
稱汝婆娑意惟余寂莫居  
高門種槐柳他日復何如

湯山

大湯山傍離宮起小湯山  
卧離宮裏湯泉湯湯兩山  
邊漫山竹柏籠御煙方池  
金螯鎖謬室餘波玉沼生  
臺蓮嚴霜已逼行客噤  
殘葩尙奪官妝妍翠華不  
到今幾載膏腴澤徧環山  
田我昨歇鞍泉上坐不得  
一漣塵土宛驪山夜月憶  
舊游廿載恩恩春夢破那  
知羽衛司掖門中有煙火  
神

仙孫名姓纔通啞然笑兩家交道千秋存爲言此地原荒  
址仁廟中年乃經始畫苑名家焦若眞圖進新官易數紙  
從茲瓊液涵恩波山靈擁戴泉龍喜吁嗟乎水性皆冷泉  
獨溫舊聞源出丹砂根潛滋動植不灼爛元冥之德如其  
仁解衣笑就通流浴飽飲止愁徒滿腹那須漱咽養寸田  
已勝河車傾萬斛官槐黃落秋向殘轉眼大地冰闌干我  
思挹注挽斗柄盡回天下三冬寒

殷希文字憲之號蘭亭天津人舉人官長治知縣有和  
樂堂詩鈔

送客

行雲有時歇行客無計留殷勤一樽酒試爲緩雙駟雙駟  
雖暫緩歸思不可挽揮手沈醉中望望車輪轉

草堂漫興

庾園雖小足相羊  
榮辱何關一草堂  
裘馬五陵空自豔  
菊松三徑未全荒  
雨窗酌酒杯還潤  
花檻題詩句亦香  
更有南華供細讀  
逍遙游擬學蒙莊

鍾廷瑛字退軒  
歷城人舉人官黟縣知縣  
有退軒詩鈔  
駐馬河早發

維舟未成夢挂席  
復東鷺啣喔汝南雞  
微茫歷陽樹疏鐘  
猶殷牀殘月不開霧  
行矣廣陵城爲君醉春露

江行

清溪新漲綠鸞環  
溪上人家晝掩關  
投曉挂帆風力穩  
推窗先看九華山

宋鳴璜字孫侶  
奉新人舉人官鄱陽教諭  
有味經堂存

豪

羅兩峯至都周駕堂編修爲招諸同人小飲寓齋兩

峯做李龍眠西園雅集圖卽席分賦得五古轉韻

體

木落天微風蟬鳴客紛集秋窗面面傲看秋如不及不必  
山與水豈在竹與絲言追碧筒飲對把青荷枝荷枝青未  
了秋色盈襟抱譬彼清冷泉一酌令心好廣庭日西斜籬  
落飄秋花花光秋之外詩思天之涯詩來不知處宛轉花  
間路脫我華陽巾挂之千歲樹有客筆如椽蒼蒼揮暮煙  
圖成看小李飲中歌八仙酒酣客快意起舞花垂地松上  
微月生秋天轉無際

薛稻孫字羨澳蒼溪人舉人有釣雲軒詩鈔

春日宿田家

耶麻菴詩集卷之十一

泥塗歲序劇駸駸  
煙火蓬茅養道心  
護鴨船圍新柳港  
放牛人去小桃林  
盈前社酒遭田父  
短後征衣怪野禽  
對此蕭然名利淡  
一蓑一笠勝朝簪

詠史

獻瑞廷陳九穗禾  
騁懷八極駕龜鼉  
纔陳角觝魚龍戲  
又唱宏農得寶歌  
自在艤艫飛五鳳  
前行簫鼓擁千駝  
時巡合有天書降  
玉檢金繩代不磨

熊館誰爭諫獵書  
幽風罷進授時圖  
民心自怨崔成甫  
天意終憐鄭介夫  
構巧神仙愁出入  
技精草木解歌呼  
江南爾汝歌偏好  
長勸君王醉玉壺

衝冠一怒便揚兵  
鼓竭秋風馬倦鳴  
收骨二陵非死所  
藏

身三窟豈行成單于自款居延塞老將甯貪石堡城不信  
遐荒眞異類兩階干羽有苗平

袁文典字儀雅保山人舉人有陶村詩選

將出都門留別同人

殘夢千山亂浮雲萬里愁客中還送別病裏又驚秋書劍  
空蕭瑟鴻魚久滯留京華豈不戀輸與故人游

晚晴移詩匯卷九十六終





晚晴移詩匯卷九十七目錄

汪縉 十四首

趙曦明 二首

梁玉繩 七首

余蕭容 一首

施國祁 二首

賈田祖 八首

魏之琇 十首

符之恆 二首

查景 二首

吳均 三首

余京 八首

喬億 六首

石鈞 六首

疏枝春 四首

方正樹 十二首

羅聘 二首

方薰 五首

蔣仁 三首

奚岡 四首

朱方藹 九首

鮑倚雲 三首

於震 二首

甲日糸言區夕十一一非金

晚晴移詩匯卷九十七

徐世昌

汪縉字大紳號愛廬吳縣人諸生有二耕草堂集

詩話愛廬借彭尺木講學溝通儒釋其所著文錄二錄三錄博大精深有非尺木所能及者詩初宗少陵

晚多悟境又近寒山拾得

夏日閒居雜詠

吳趨盛豪華閭門最繁劇每苦炎夏蒸煙火萬家窄曰余  
在戊辰會此設講席明唔闡闡間名利共物役本性愛蕭  
疎時欲蠟幽屐賴有羽人家相望在咫尺地古卻炎暉仙  
居世氛隔幡高引遠颺下有對奕客予心已欣然藉草坐  
壇石

日色川上媚煙光草際重橫塘夾修竹十里蟬聲中我來

古渡頭歲月多行蹤行蹤一何多言瞻墓上松墓在塘之  
西家住塘之東時節須祭掃悠悠一水通秋林靜虛白春  
山靄空濛氣候良自佳泛舟每從容炎夏少經過安知野  
趣濃野趣濃如此欣賞情何窮

浣香洞

幽溪穿曲竇洞口樹成帷垂陰生晚吹散幘坐苔磯雨過  
月稍上光含萬籟希天水空明裏齒苔相因依香氣自白  
晝夜來靜入微起心欲往求已覺前境非卽此悟禪寂釋  
我胸中機

丙子歲初出門見有短衣揖讓者繼凶年之後得此  
感而有作

去歲眞彫瘵東南氣尙新春從江岸轉禮到販夫眞揖讓

看閭里詩書慕搢紳撫綬煩大吏風俗不難淳

每從凶歲後恩澤入人深俯仰蒼生事飢寒聖主心截糧  
留水次分食到桑林爲國勤休燠須知玉步臨

江南財賦重輸灌仗年豐縱使艤舳集應憐杼柚空張陳  
留惠政周况有遺風報國無多事長憂百姓窮

題王存素畫黃山雲海障子

昔逢海客談瀛洲蒼茫氣象無能侔我欲向之問端倪但  
指天際雲悠悠卽雲卽海空外流今看好手弄狡獪滿紙  
淋漓吁可怪不知墨氣并雲氣唯見紫瀾萬疊聲澎湃卽  
海卽雲壁上挂我聞黃山之雲天下奇仙靈變幻那得知  
欲往觀之勞我思異境恍惚移於斯一縷初生上遙漢煙  
交霧集漸浩瀚雲作奇峯峯作雲雲峯片片相凌亂俄然

南北東西合浮天沒地無邊岸三千白月照難窮九萬長  
風吹不散神仙欲到輒引去河伯無端望洋歎雲邪海邪  
誰能判咫尺相從游汗漫乃是三十六峯入臂腕掃卻一  
片錦繡段非海非雲任君看畫理通化工對之開心胸我  
將陋木華之海賦隘屈子之雲中契達觀於漆園等妙諦  
於大雄天地溟滓古今混同何有乎日月之循環宇宙之  
始終而況人世之得失窮通一一歸虛空精靈忽與丹青  
聚置身已在天都峯囊括千朵萬朵之芙蓉割取千間萬  
間之琳宮踏倒千年萬年之長松誓從王夫子游戲入無  
窮

中峯讀書

借來客舍是禪居愛坐閒窗夜色虛澗水時聞風斷後竹

林漸白月生初難從支遁親調鶴且學天隨晚著書心地  
喜無元字腳何妨門外問三車

懷古

關中

四海嗷嗷萬姓荒只供一炬燕阿房賈生從此傳三論秦  
帝空矜畢六王西去天連蜀棧迴東來地接雒川長但教  
莽莽看形勝據此金湯那得亡

武昌

大江東去路漫漫孰向煙波老釣竿三國戰爭年最少一  
家豪傑古來難指困意氣迎諸葛顧曲風流走阿瞞從使  
稱臣頻上表依然半壁擬龍蟠

野僧



直入山中去山中別有天把茅黃葉路洗菜白雲泉  
山月照初定松風吹早眠此心無處住隨處好安禪

題李空同集後

愛國忠君千首詩知君眞把少陵師  
渡河擘海尋常事妒殺江南錢受之

羅臺山道吳歸里允初送至毘陵作詩贈別臺山次

韻答之因繼作二首

有客乘風去煩君寄語歸把書猶對坐二妙實同機  
江草煙薰岸蹊梅月帶扉夢魂通異地怕我用心非

流浪轉增劇吾生何處歸慣喧南郭籟難息漢陰機  
雲懶終依岫風勤偶掩扉交情同脈脈肯爲辨今非

趙曦明字敬夫江陰人諸生有中隱集

詩話敬夫博覽強識佐盧抱經校勘羣籍世稱精審  
所著顏氏家訓注卽附刊叢書中詩樸質不事雕琢  
學人之作

安遇

一日不盡分此日爲虛生一事不盡分此事爲無成順逆  
常變中努力得安行我生自有定寵辱何須驚

詠懷

少年愛求友中年愛閉關於今老將至空谷萬慮刪直諒  
與多聞古道不可攀人諛我所惡諛人我復慳交諛如買  
易無益且成患譬舍松桂林跣足走荆菅與其悔而晚何  
如未悔間忽感求聲烏孤雲看往還

續溪道中

五日入續溪風景始可喜溪流一縷通雲氣千巖起當面

立危壁竹木紛如綺根株走龍蛇脈脈復跂跂煙火空際  
生人家深樹裏遠近恣憑眺傍徨不知止夕陽射林表明  
媚更無似欲乞買山錢卜居翫清泚

梁玉繩字曜北號諫庵錢塘人有蛻稟

詩話諫庵高門清塵負不羈之才朝經夕史孜孜不  
倦與弟處素劇心樸學膏貽以書略言吾與弟寢跡  
衡門繼承素業他日得有數十卷書傳於後不至姓  
名湮沒足矣後漢襄陽樊氏顯重當時其子孫雖無  
德盛位世如此諫庵治太史公書為志疑處素亦  
勉之其雅志也

雖左氏傳為左通皆哀然成巨帙所願已酬諫庵詩  
雖不多而清迥蒼堅不作當時體亦足稱其所學

小飲

風聲颯颯吹帆檣菰蒲夾岸如人長行盡菰蒲凡幾曲船  
頭船尾明月月光光照徹篷窗几驚醒幽人夜半起不坐

舟中坐舟頂恍然身在層霄裏應君軒爽張君豪仰天大笑傾金舸餘漚還將灑湖水欲把明湖變濁醪是時殘魄沒幽嶺坐久水風侵袂冷萬蛙聲裏一孤舟東方欲白星辰靜

古意寄湯吉甫

故衣未可棄故人未可忘  
衣故身所便人故情益長  
自君長安去誰與共翱翔  
登高望四野煙水蒼茫茫  
願隨北飛鳥扶搖到君旁  
君旁不可到風急毛羽傷  
緇塵三十丈素衣變元裳  
長安非易居何不歸故鄉

春暮自吳門至松江

欲共春風語輕舟逐鳥飛  
落花沾酒店芳草釣魚磯  
平野天邊盡遙山煙外微  
村童挑薺菜笑趁夕陽歸

忽聽吳歌起歌聲趁軋啞殘潮隨去艇遠樹帶飛鴉幾點  
過雲雨新枝閨月花溪灣將泊處挂網兩三家

讀王穀原比部遺藁

先生讀書萬卷破可憐一字不救餓塊壘惟將杯酒澆孤  
詠幽吟少人和中年奔走向長安長安熱客冷眼看往來  
素心只三四哀歌擊筑相鳴彈久之入直中書省涕長一  
尺衣袂冷旋復對策改郎官不樂文書樂閒靜翻然便賦  
歸去來老屋數間門不開家徒壁立何所有但有及榻青  
青苔憶昔京華暫僑寄我時幼小猶能記頻向牀頭索紙  
筆東塗西抹供游戲悲哉轉瞬幾經秋先生修文歸玉樓  
人間萬事半陳迹如露如電如水漚留傳手藁千番紙身  
後空名惟此耳詩能窮人窮益工自古才人皆若是

得王栗臣孝廉札奉寄

燕北書傳一雁過年華每自惜蹉跎塵埃袍草功名薄風  
雨槐花涕淚多已是言愁推衛玠那逢薦士有常何劇憐  
都講談經處歲月相思發浩歌

翠雲草和王栗臣孝廉韻

翦得幽崖一片雲雲生芳草翠交紛牆陰最好經微雨亭  
角偏宜攬夕曛迴匝色連青綺幄蒙茸光汎碧羅裙海棠  
蕉樹憑相賞非霧非煙澹不分

羣芳譜翠雲草種於虎刺芭蕉海棠之下極佳

余蕭客字仲林號古農吳縣人有選音樓詩拾

詩話古農爲惠松厓弟子經學小學並有淵源所著  
古經解鈎沈文選音義等書皆爲世重詩格幽秀  
病馬云旋毛腹下一千里死骨人間五百金病蟬  
云古寺無人送殘暑白門有雨灑斜陽皆雋語

懷任文田

繫艇東溪畔花遲春未殘所思今不見雪霽月生寒

施國祁字非熊號北硯烏程人諸生有禮耕堂集

詩話北硯嗜學工詩古文辭熟於金源一代事實撰  
金史詳校以其餘纂金源劉記又注遺山詩集旁徵  
博引尤詳於本事貧爲人設肆鬻棉因名其  
所居室曰吉貝居詩外清內腴味之彌旨

題胡歐庵詩鈔後

多能天遺秀羸僂倦客吟鐙半倚牀靜裏維摩聊示疾憤  
來元晏竟成狂逸民待刻碑頭字迴陌難鈔肘後方扶病  
重尋石湖賦夜深深禮大醫王

金史詳校成書十卷自序卷端附題於後

閒消我有肆簾風寓墨金源舊事叢野史功臣慚褚補圭  
齋諍友悔劉通書鈔冷局讎難徧字訂譌傳擬未工長此  
一編深篋底敢言載筆附羣公

賈田祖字稻孫號禮耕高郵人諸生有賈稻孫集

雨

殘鐙耿猶照涼氣入虛幌蕭條風雨至颯沓徧空響晨起  
碧柯溼微曦淡初上衡門希來蹤心與孤雲往所思在江  
湖煙蓑釣菰蔣

落葉

夢裏蕭蕭雨驚看月一牀西風吹敗葉半夜響空廊似我  
無依客終年辭故鄉暫謀棲息地狼籍避繁霜

題李北岳先生詩集

十五才人江左出吾郡三分已居一斑斑古色擅宮玉大  
籍沈酣鬪奇崛繆公淡宕如春雲暮年刪訂細詩律郭家  
處士何寄嶽昇天已入盧仝室

耳官先生  
昇天行

就中深厚推魚



川

李公一

昌黎玉局相差肩不用鈞章與棘句雄神大力

能迴旋綿津於此特珍重壓倒吳會雄詞源美人豈不玉

堂貢耳官失職悲迤邐我生桑梓有恭敬況乃泰華森其

顛當時太虛踞山斗裁紅暈碧徒便娟公之音聲協雅頌

謂宜俎豆追四賢誰云寂寞五百載

王新城詩風流不見秦淮海寂寞人間五

年看摩堅壘搖先鞭濟南文冢已萃嶽苦欲質證無因緣

秋雲木葉本奇絕老宿再荷尚書憐

沈歸愚尚書選國朝別裁集載先生詩甚

多鴻篇偉製盡登載朗如日月縣瑤編雞林寶貴萬口誦

荆山玉剖珠騰淵淮海維揚古才藪生天叢業公宜先禮

官論定百世祀他時文苑其爭傳

題楊青村先生詩集

青村常州武進人名論詩載入江左十五子集

我生局束雞囊中可憐蕭索如衰蓬豈惟五岳足未到并

此眼前山水無由逢螢乾蠹死老殘帙何異候蟲時鳥嘯  
悲風紀游往往羨康樂神工鬼斧開鴻濛秦州杜老鬪奇  
崛實與太白蜀道爭兩雄後來手筆愧凡劣譬以鈍戈朽  
甲攻崇墉夜來披點商邱刻鮫人網布珊瑚空秀野草堂  
出新意謂顧俠君先生遇佳山水留詩筒淋漓潑墨更誰子橫絕  
獨步青村翁齊州九點羅心曾玲瓏雕刻青芙蓉中原蠟  
屐迴恩恩蠻天宰邑憑祝融洞庭彭蠡飛鼉矰中流絕叫  
驚蛟龍萬弩直射馮夷宮綵絲甲屈心忡忡青村有五日夜洞庭詩絕  
佳欲呼湘纍歌蘭叢吁嗟乎丈夫薄宦路已窮簿領朱墨  
紛相從才雄天末少人識頑煙瘴雨支吟筇江東羣彥坐  
臺省鏘鳴玉佩陳鐘鏞我讀君詩悼君遇忽覺清夜劒戟  
摩蒼穹急難瓦鑑責濁酒爲君感慨抑塞揮千鍾

丙申歲仲夏洪穉存來自毘陵訪予寓齋用王荆公

和王微之登高齋韻奉贈

兼旬不出雙屐埋翻瓢急雨天河篔簹畢通朝飛熱其翼萬  
頃瘴墨紛搪挨我家澤國畏淫潦愁城百尺高崔嵬那無  
篇帙供懶祭蠹死不入圖書堆索居誰憐子桑病款關有  
客衝泥來森然奇秀撲我面一談一笑皆快哉憶昨官解  
始識君不須縞紵惟揮杯手挽強弓穿七札軋霄奇句驚  
九垓穉存詩憂旱紀事詩數首看君閱世抱孤憤三寸不律含風雷其  
時列郡正枯旱火雲頽赫空天排清秋氣候似九夏瞻印  
有嘒明星台憂時蟣蝨漫呼籲與君爛醉懷且開香山樂  
府擬屬和讓君主敦去聲吾輿臺雙丸跳擲倏經歲周南復  
此同歡哈濁醪相勸盡今夕安得有酒傾如淮

妃黃儷白十丈埃把君詩卷實壯哉

穉存出詩集見示

手披口誦

百紙盡溽暑濯肺清風來斑斕錦繡麗星斗波濤潤瀾流

江淮山靈刻劃眞宰哭力闢大謝甯相挨瑰奇閒走昌谷

陣綺豔詎涉齊梁臺

二句摘卷中評語

大都門軻迴自闕紛紛皮

相俱堪哈縑囊壓疊齒未壯淵穎欲盡故紙堆方今櫟槍

掃西域捷書蚤晚移三台大凱饒唱君能爲曷不響奏鈞

天雷朱顏綠鬢坐銷蝕鷓鴣苦盡三百杯我髮種種伊可

憐出語有似糠粃徒嗚嗚擁鼻五十載欣君鉅製萬卷該

沈香絲管在指日還期姓氏名山鬼昌黎一經定可就子

雲奇字終當排皇皇著作富充棟常常老眼爲君開

兩師弭轡頑雲埋好山一房青嵬嵬扶筇欲邀詩老屐

朱謂

木柳陰佳處浮深杯而君白紵先濟勝攀蘿獨企煙霞堆

當年歌停僅餘寺奸雄不足增人哀詩人矯首望江北欲

幹元化施黔雷

穉存有游白紵山望江北詩中備言黃淮水患故云

杞人憂天正

血面巨川何力排黃淮宣房貯腹豈捫籥會借前箸陳鸞

臺方今螿封亟保障萬指補裂春泥篔簹蒼生壯志荷公輩

魚頭之怕曾爲開

自詩人句至此俱綜穉存詩意

兩無其極今亦歇喜遍

孩戲歡黃台江南年穀穩豐熟羈人飽食且樂哉鷓鴣一

枝仗友力曹騰高枕百事排江湖鷗鷺意浩蕩交朋萍梗

感去來與君會面祇一再牽腸遶腹能千迴高文子可泣

神鬼

穉存並以制藝見質

絕叫我欲驚埏垓卽今年衰強自力世上

小兒恣笑哈長篇鼓三亟投贈戰場故壘思劇挨天涯知

已更根觸三千里外無雙才

謂黃仲則

丁酉春日病中留江都汪容甫暨李孝臣王石臞草

堂聚飲翼日容甫北行爲詩以別兼柬孝臣石履

苔荒草蔓半畝宮不知戶外春已濃支離一疾肝肺攻要  
腳駑緩成疲癯錐子穎脫心絲空繩牀莫療蒙頭慵汪子  
何來省龍鍾李王聯袂其音楚彌天鑿齒勁敬逢三君雁  
行于且喁坐我琴書之房櫳家貧亦有鯁鮓供相與作達  
鐙燭紅耳官失職悲不聽高談但聞聲颯颯心許不假言  
辭通良覲累日寬塵胷已疾捷若盧扁功惜哉驪駒逝恩  
惠我欽汪子靈光崇五三入九經術鴻文鑊金石垂厚穹  
阿誰相厄能兩雄邗江帶水疎吟筇何時下上借雲龍仗  
君慧業開愚翫可憐蹤迹如飄蓬石履又放湖干篷將之石梁  
剩我瑟縮吟悲翁知己失散眞路窮出門惘惘迷西東爾  
夔我虻相憐同望君重來鼓絲桐

魏之琇字玉橫號柳洲錢塘人有柳洲遺藁

詩話柳洲少孤貧佐質庫幾二十年晝營所職夜篝  
鐙讀書積學既入豁然貫通家本業醫兼攻先人所  
遺岐黃書亦臻奧窔詩風格高夙先有嶺雲集鮑涿  
飲爲刻行自梅少作復自刪定卒後涿飲又與胡滄  
來項金門  
共爲校刻

感交

陵苕本弱植葳蕤託翹柯春風吹林端蒙龍吐繁華曰余  
幼失所飄轉隨蓬科引蔓值松柏垂陰攀薜蘿煙霞緬煥  
爛雲日思蕩摩欽哉數君子晨夕更切磋白玉辛辭璞精  
金念離沙廊廟雖弗施管絃聊可歌登高一望遠嘯侶何  
其多歲月亦易邁存沒頻興嗟湖山自終古江海無迴波  
逝者旣云已來者將如何

秋懷

萬物皆有盡孤生豈無休冉冉卽遲暮脈脈懷殷憂星霜  
忽已易歲月嗟何道明河耿遙夜皓魄揚清秋吟蟬露下  
切落葉煙中稠銀缸映戶外錦瑟橫牀頭美人悵何處良  
會知未由來晨不可計去日焉能留掩鏡釋浩歎臨觴激  
清謳遺情以乘化宇宙從悠悠

舟行登觀音巖用太白同人舟行韻

長風天末來吹動海東月挂席凌滄洲揚旌發溟渤迴望  
羅輿浮眇然青一髮合沓重山中林巒互出沒萃嶺千仞  
巖橫空豁天骨舍權窮雲根攀躋勢超忽俯視臨滄江逝  
波無時歇便欲乘丹梯振衣入瑤闕

題嚴力庵畫西溪探梅圖

郡城西去三十里萬樹梅花一溪水日出煙銷不見人人



家隱約梅花裏東風幾日吹林薄茅舍板橋春漠漠娟如  
靜女倚修竹瘦若癯仙卧寒壑陂塘寂寂花情惜清溪彷彿  
桃源深了無塵埃汗履跡時有雁鴨驚擘音天憐此境  
太幽絕特倩我曹爲搜抉載酒晨衝古渡煙尋詩暝踏荒  
林雪輕舟盪晴花正開入花漸深迷路迴月明疎影掠篷  
過風起暗香隨櫂來十年無復經河渚回首同游半今古  
重看水墨意茫然始覺嚴兄用心苦

早春泛舟西湖用遺山泛舟大明湖韻

吳儂不唾西湖水愛此渟泓三十里東風吹船向天上鳧  
雁迎人飛欲起兩隄如帶橫彎彎十二畫橋連玦環紅樓  
翠館天半出倒影浮動煙波間晚來繫櫂西泠渡油碧香  
車松柏路水佩風裳不可要蘭襟柳帶愁煙露孤山梅花

別有情邀我虛亭散餘步夕陽澹澹天悠悠寒渚無人見  
雙鷺沈吟往日林逋仙蹤跡吾宗同仲先草廬入畫已千  
載我來放歌空叩舷箋天願乞煙霞福小住蓬萊五百年  
夜泊廬陵

岸險沙痕折江空露氣澄荒雞迎戍鼓宿雁避漁燈客夢  
隨楓落鄉思對月凝秋聲殊可賦此夜泊廬陵

秋霽

伏雨初收意灑然生衣乍試晚風前懷人酒熟燈明候顧  
影桐疎竹冷邊夜景樓臺天倒合秋光城郭月孤懸無端  
忽著東南望獨卧蠻江憶往年

年年

年年樓上盼飛鴻二月春愁滿鏡中芳草綠迷天近遠落

世間雜言 卷之十一  
三  
花紅隔水西東未能化石身猶在何處爲雲夢始通欲織  
流黃迴錦字一番惆悵又成空

九月晦日坐雨示沈敬履

朔風涼雨共蕭然坐對薰鑪手一編黃葉有聲霜後地溼  
雲如夢雁來天江湖歲晚漁樵外關塞秋高鼓角邊河渚  
荻花應更好與君相約釣魚船

晚過石門

溪流曲折繞城根客棹夷猶過石門小市疎鐘沿碧柳平  
橋細雨近黃昏

符之恆字聖幾號南竹仁和人

詩話南竹年十五從樊榭游過城東皋園得句云寒  
煙樓木未活水蓄城根爲時所稱體素清羸卒時年

有三十

晚立永興寺前望西溪人家雲山掩映在梅竹中

山居戀花信逐境無定屬返照歸古寺幽意靜還續小橋  
坐流水平野看行沃炊煙裊前村林影入遠矚似補梅竹  
疏茅茨間幾曲寒雲晚更密濛濛護空綠鋸火接耕麀魚  
蝦生計足卜居他時願結鄰已共囑吾詩盟不忘僧樓寫  
短燭

漁村卽事

村邊輓草浣春泥小雨初晴綠滿溪幾幅斜陽掛魚網人  
家多在柳塘西

查景字士瞻號望齋海甯人有棄餘詩草

詩話望齋幼承庭訓又聞初白查浦之緒論故詩有  
本原壯年游幕四方足跡幾半天下與沈歸愚沈椒  
園盛香巖輩尤稱莫逆是集蓋經諸人論定者陳庭  
松謂望齋於詩無所不覽尤服膺杜蘇兩家所選注

杜詩決擇精當寢饋蘇集發言解意  
能得長公之心惜其書今不傳矣

婺州太守劉漢循別駕董豫周偕余課農游雙龍洞  
歸憩西塢吳氏園卽事

宿雨初晴水滿川課農好趁綠陰天官除教養原無事民  
力耕耘定有年北郭煙雲歸石屋西園風景勝花田他時  
若訂林泉約如此溪山擬卜遷

乙酉重九日同人由謳歌嶺登鐘山憩菩提菴分賦  
得七古

銑溪源自馬金落奔作城壕恣噴礮鐘山阨險實障之流  
怒激湍與石搏天然形勝冠衢西百里蜿蜒環古郭縈紆  
石徑繞巖阿錯落雲根聳鋒鏑時維秋爽景尤清夙約登  
高肯辭卻不多游侶盡同心爭拂衣塵理芒屨多情山鳥

叫鉤輶無數巖花散約焯半山亭峻暫支筇已攬長空出  
寥廓相攜賈勇拾級升路轉山迴漸開拓一峯獨壓衆峯  
青八面雖高僅半角金錢牙笏競朝參几案文峯似錐卓  
久攬世網困塵氛快豁雙眸窮縣邈山僧留客餉山穀隨  
意杯盤崇素樸微參道妙少支言不露焚修愈誠慤欲將  
妙筆繪滄洲胸次林泉隨寄託興酣更欲縱清游嘯詠殊  
慙繼康樂

贈西林上人

西林師住西林菴在山不識廬山面昨持齋鉢出山來彷彿  
白蓮社中見自言祝髮從安國元奘世系生同縣旋入  
延恩主法筵重開靈境新禪院半偈語翻千佛場辦香緣  
結三生善當時知識盡名流過去光陰如掣電爲宏道願

舍叢林桑下已辭三宿戀不招雲侶不把茅一瓢今挂楊  
街堰吾聞師言增太息世出世間遇隨變曾聞莖草化金  
身會見淘沙得精飯檻外青山祇樹深門前流水花溪豔  
西林原不讓東林立地誰堅清淨願社中若繼遠公游選  
勝何如選佛徧

吳均字公三號梅查江都人有青棠館詩集

詩話梅查詩過萬首曾爲歸愚尙書所賞吳澹川贈  
句神似香山句多於玉局篇風流布衣老蕭散地行  
仙看竹時留詠當花不肯眠  
身貧亦何恨詩好萬人傳

陸宣公墓枯柏重青詩以紀事

宣公輔政稱名臣諫諍不憚批逆鱗興元戡難勤贊助轉  
危而安此一人乾坤幾劫滄桑改齊女門東古墳在松楸  
羊虎已銷亡枯柏杈枒數百載聖代深嘉內相貞勅修祠

墓特褒旌精靈耿耿不泯滅香葉勃鬱看重生公能上不  
負天子八利六失標青史卓哉高節何嶙峋正氣貞操長  
不死昔聞柏樹化桐王寔宅又聞柏樹偃起漢帝陵何如  
陸公墓上枯柏復蕃翳雷霆戰蛟龍騰柏兮千載耐歲  
寒乃是公之忠義肝柏兮鐵幹挺勁直乃是公之貶死骨  
趙裴遺臭公芬芳小人在自傾忠良公之丹心炳日月豈  
以柏之榮瘁爲低昂物同人重物亦尊諸葛廟前柏尙存  
他年瞻拜定相識百丈參天看黛色

古鏡篇

雷塘耕夫得古鏡一枚銘云  
大業元年造蓋隋宮鏡也

盈盈一片秋空月雲霧朦朧半邊缺五色雙龍背上蟠銘  
鐫大業何曾滅阿廢當日幸迷樓如花嬌嬪居上頭瓊戶  
展開金縷鎖珠簾齊上珊瑚鉤明星熒熒寶匣啟競鬪新



卽前宋言類卷之十一  
三

妝明鏡裏塗黃那數漢宮嬌寫翠休誇趙女美掃天紅粉  
逞妖嬈豈識春風夢易消故國芳魂歸未得玉鉤斜上長  
蓬蒿綺羅灰劫經千古皓齒明眸何處所微物何爲未化  
塵一朝耕出雷塘土曾懸媚子照嬋娟雨散雲收一惘然  
陳宮難問樂昌事蜀物猶存乾德年好事傳觀勤拂拭繁  
華瞥眼空相憶祇合深宮豔質藏豈期葑屋農人得古訓  
由來戒色荒驕奢淫佚致傾亡當時若以古爲鏡何至楊  
花委路旁

南莊馬秋玉別業

幽深林館枕江潯門外春圍萬柳陰伯仲風流花萼集賓  
朋游賞月泉吟連牀舊雨今誰聽滿閣涼雲供我尋最是  
灘聲易惆悵冷泠猶是寫瑤琴

余京字文圻丹徒人有江干詩鈔

詩話文圻隱於廬市歸愚尙書於焦山見其詩就訪定交時監司魏君亦賞異欲其往見不可歸愚謂其詩意格俱高詠溫泉云尋常清冷誰相問一熱人間便有名題觀碑圖云笑余老去憎文墨愛看人間沒字碑猶介之情溢於言表

登金山塔

半空月忽住  
陡覺下方浮  
白浪連山走  
青天入海流  
塵埃吹野馬  
城郭動蜉蝣  
極目窮巴蜀  
風帆萬里愁

確士索和疊韻

朔風連日吼  
西郊對酒頻  
驚屋捲茅異  
地關河悲  
客況暮年肝膽向  
貧交住山閉  
戶論千古  
坐市垂簾賣  
六爻耐得冰霜存  
我輩笑看凍蕊放  
寒梢

東蒼浦

未許閒身卧薜蘿  
風塵青鬢付蹉跎  
故枝近日悲三匝  
好友經旬懶一過  
燕子不來春正冷  
梅花初放雨偏多  
醉鄉新製江南曲  
月夜期君把臂歌

北固木末樓卽事

雁背遙翻落照來  
樓登木末客徘徊  
江山曠劫爭棋局  
鏡火光陰促酒杯  
萬人煙秋慘澹  
百年戎馬地蒿萊  
西風歸路吹殘醉  
雲掩高城畫角哀

秋杪登清甯道院與漪亭學庵同賦

扶杖登高愴客魂  
西風黃葉滿前村  
林間佳菊能留客  
江上名山總到門  
飯罷楸枰消白晝  
酒闌鐘鼓報黃昏  
暫離城郭無多路  
便覺漁樵地位尊

舟宿

舟宿成吾懶推篷尙擁衾曉煙孤塔失細雨一村深春淺  
餘寒氣人閒見定心家書敗游興不問客浮沈

秋日登銀山別墅同碧江

亭敞北風大高秋氣近冬山寒堅草木江怒鬪蛟龍市遠  
難呼酒崖危欲借筇夕陽看未厭村岸冷雲封

十四夜焦山水晶菴看月

薄暝疎鐘隔樹聞海風收盡嶺頭雲任山夢好經三宿看  
月光圓到九分天淡銀河涵水氣江平冰縠織波紋僧窗  
不用呼鐙火老眼能書白練裙

喬億字慕韓號劍溪寶應人有小獨秀齋詩窺園吟臺

三晉游草夕秀軒詩鈔惜餘存彙

詩話劍溪爲石林之孫少以詩名從沈歸愚游著說  
詩二編五言取法唐賢寶應諸喬多能詩劍溪之後

推容浦明經亦工五  
言列白田七子中

過泰山巨上人蘭若得陰字

涼颺肅晴野清磬隔前林古寺行人少寒山落葉深孤筇  
隨竹影一徑入蘿陰漸覺禪居近空香引道心

嘉禾道中

扁舟入於越回首望句吳草樹裴休宅風煙范蠡湖漁歌  
爭晚渡桑婦有蠶租舊事滄波逝何人識霸圖

木瀆章重宅曉起從沈尙書放舟至光福鎮

春鶯拂曙嘯春棹落波齊日照萬花谷人行香水溪風光  
沿岸轉嵐影壓船低泊處非投止聯裾更向西

客氏拜

順治末燕市鬻故書者賣一敝刺大書客氏  
拜三字邑詩老朱秋厓先生以三錢得之賦  
客氏行事載新城公池北偶談今誦先生是  
詩因拾取贖義效西涯樂府作客氏拜云

客氏拜拜阿誰東廠義兒時乃義兒母何拜爲

客氏拜九千歲晝惟表裏竊國柄夜甘與同寐同寐同寐

焉用拜

當年客氏拜奉之抵錫賚身殲浣衣局穢氣塞四海運丁  
百六朱明移客氏拜三字在

石鈞字秉綸號遠梅吳縣人監生有清素堂詩集

詩話遠梅詩格守歸愚宗旨尙有真氣  
當時王西莊王蘭泉阮文達皆稱之

石山棧

關門曉瞳矇衆峯遞隱見林根微陽吐水外孤村斷蕭條  
逼仲冬積雪覆山甸山徑石棧危單車緣一綫攀蘿冰墮  
指陟巘風割面羸馬向北嘶游子心未倦回首萬里塗情  
親隔鄉縣及茲道更長飄零一身賤

登六和塔絕頂同宋茗香王柳村

羣山斷江岸一塔凌青冥登臨不知疲寫我萬古情盤紆  
徧憑闌周覽越國形山川勢相逼三折江流清隔江望會  
稽南鎮趨百靈大哉神禹力胼胝安蒼生回頭富春山垂  
釣留客星高臺俯江汜曠代傳清名男兒審出處身重五  
嶽輕浩歌心悲涼雲氣忽縱橫海色含古愁何能見蓬瀛  
但聞邱墓間白楊多悲聲

仲家淺阻雨

昔賢能負米而我獨離親况對孤篷雨因憐萬里身天低  
鴻雁遠江冷菊花新自歎羈棲者年年此問津

焦山

蝸牛廬畔落帆斜山翠龍菴湧浪花到海一拳高士宅夾

江兩岸故人家雲兼鸞鶴來青嶂湖挾魚龍走白沙千載  
焦先如可接欲從此地卧煙霞

山海關望長城

萬山橫一綫迢遞走咸陽遼海臨關盡秦雲抱塞長寒聲  
城上角曉色馬頭霜十載勞生事飄零古戰場

訪錢鶴山

客裏追歡到草堂蕭疎籬菊近重陽開尊白社皆名士繞  
郭青山似故鄉懷抱早甘棲澗壑聲華深悔著文章高城  
日落滄江晚無那孤舟別恨長

疏枝春字玉照號晴墅桐城人諸生有三十六峯草堂

詩鈔

詩話晴墅爲海峯弟子後復師愷  
抱詩力宗盛唐海峯家法然也



吳白巖過訪

湖村微雨過沙岸晚涼生水底墮明月煙中聞鶻聲故人  
載琴鶴深夜訪柴荆把酒茅亭下寥寥蟋蟀鳴

登嘯臺懷海峯夫子

我行白首仍千里襟豁雄風上嘯臺大鳥一鳴衝霧出片  
雲扶月渡江來洛中名士懷前輩魯國諸生愧雋才惆悵  
不逢彭澤宰黃花作意向誰開

同馬魯臣姚根種登孫楚樓

誰知梗斷逢飄日兄弟同登孫楚樓貧子辭家無善狀殘  
年行路畏逢秋人如河朔風前會舟似山陰雪後游乞取  
青蓮觴詠地寶刀截水足消愁

送許信菴之維揚

歸情已在雁來先一就江程幾日旋翻恨桃花三尺水送人直上廣陵船

方正澍字子雲歙縣人有伴香閣詩集

詩話子雲詩託思清新選辭麗密尤工近體高者不  
城杜樊川劉文房畢秋帆吳會英才集以子雲爲冠  
次及種存仲則淵如秋勝諸家而以淵如室王采薇  
夫人殿焉乾隆間選刻江浙詩前有秦小峴後有王  
西莊與此爲二皆以十二家爲限云

次山村小店

花開何處但聞香高下崇岡馬足僵山驛罡風吹地白江  
村新月到門黃菜秧傷蠹因無雨藤實成丹爲受霜年少  
心情最無賴乍離鄉已夢還鄉

潤州懷古

燕子磯邊泊野航感時懷古思茫茫人鋤北府新春草江

走南朝舊夕陽千里斷雲天淺碧一番疏雨柳深黃幾回  
欲學龐公隱傳說長生藥有方

清溪曲

蘭舟如葉蕩春潮又過清溪舊板橋樓外赤闌花外閣銷  
魂涼夜一枝簫

游紫竹林禪院

丁東檐鐸雨初晴雲磴盤空接太清破殿一門吞嶺色小  
亭終古走江聲漁樵來往能行意仙佛虛無易得名石上  
碁殘人散後隔林落日挂銅鉞

獨行

鳥語喜新晴尋花每獨行春煙和野色夜雨變溪聲敢以  
貧爲病翻緣酒得名詩書云有效偏我負生不

東崦

溪轉忽無際水與遙天合平蕪綠斷處落日紅相接危亭  
碧石闌高低衆峯集巖下秋果落坐看猿爭拾憶昔此夜  
行林澗無留葉白沙湖上路紅鐙嶺頭塔舉杖叩院門幽  
響空山答

過天福寺

落日沈江破水痕石梯百級鑿崖根空山雲與人爭路破  
寺風隨虎打門畫壁丹青塵漠漠庭墀松檜雨昏昏支公  
鷹馬眞神駿此意何人可細論

登永濟寺樓書懷

危樓突兀貼蒼山捲幔三吳一望間林鳥忽隨霜葉下江  
潮自背夕陽還有涯歲月含愁過無用文章割愛刪憑眺

可憐情作惡蒲團深羨老僧閒

九日過某友山居

我懶登高沿俗例君逢佳節閉門居竹陰連磴宜添鶴山  
影沈溪不礙魚詩續催租人去後菊開送酒客來初晴窗  
對坐微饒字藤紙零星各競書

鎮海樓次亦雲韻

危闌獨倚動愁顏突兀高樓霄漢間急水與天爭入海亂  
雲隨日共沈山未知婚嫁何時畢安得帆檣自此還煙樹  
憐人頻望遠一叢東北隱鄉關

超果寺

斜門通小徑竹影綠于雲千嶂一亭得孤花羣蝶分風飄  
金鐸韻苔繡石碑文饒有尋秋興林端又夕暉

一樹

一樹紅桃覆院門  
臨階坐酌玉崑崙  
不知花影橫襟上  
猶

認紅棗舊酒痕

羅聘字遯夫號兩峯江都人有朱草詩林香葉草堂集

王蘭泉曰兩峯爲金壽門弟子能畫生有異稟目見鬼物有所遇輒寫以長卷久之成鬼趣圖殊形異狀宛然吳道子地獄變相又如讀五王樓炭經也其寫大阿羅漢及摩訶薩各像足與崔青蚶陳章侯上下又能詩好游山精詞薩各像足與崔青蚶陳章侯上下惑索子序之游京師最久垂老歸揚州僅存登岱詩

卷一

詩話兩峯畫不獨鬼趣圖擅奇致胎息古法自出清新可稱精詣妻方白蓮畫亦逸品煙墨相莊洵高士也詩境清鏡斐壘非尋常畫師題詠可比

雨中復上岱宗遇聶二欽歸簡朱大贊

夜雨侵客枕山雲宿官閣起聽新瀑聲遙從空澗落因思

凌孱顏飄然出城郭抱癖憐寡諧不憚溼芒屨陟厯忽逢  
君笑謂似宿諾相與事躋攀一一恣搜索東崖疊壁壘西  
嶺攢劍鏑矚目千夫容雲中辨隱約萬松爲笙竽寒風噫  
崖嶠盤迴走玉龍聯絡垂珠箔大聲吼波濤小聲擊鈴鐸  
石凹水凝砢笠斜風欺箬墨雲看屢翻雷雨復交作飛來  
澗底龍噴灑徧林壑歸輿時恐傾磴滑難停腳未免俗土  
譏亦任山鬼謔靜悟造物心所忌在極樂不知雨更佳茲  
游足凌轍況有未來人尙爲塵事縛

御幃坪

宋真宗  
駐蹕處

橋平便游屐赤闌無巧斲窺澗俯亂流面壁仰飛瀑或如  
雪作花或如几鋪玉或如大小珠倒傾千萬斛山靈慰勞  
人娛耳復娛目淹留坐陰磴不獨洗煩溽因歎祥符初繁

華逝水速玉輅載天書萬乘來空谷辛苦獻芝人於焉開  
御幄遺跡問清流高松聲謾謾

方薰字蘭坻號樗盒浙江石門人有山靜居稟

詩話蘭坻以畫名山水花卉皆能擅勝  
詩清而腴阮文達謂有大歷十子遺意

重過吳氏林亭

踏莎溼兩屨乃知露未晞  
俛行見我影林罅來朝暉  
暫祛塵盍緣復款煙蘿  
屏雲構緬遺躅喬木陰成圍  
潛鱗暝欲上蟄燕時還飛  
悠哉感物性及此見化機  
宗游仍晝寢任釣空苔磯  
斯人已寂寞風雅其安歸

僧廬古柏

遮檐黛色青濛濛攪拏有物如乖龍  
撐庭老柏枝幹古頑苔剝蝕窪  
其中冰霜飽飫閱歲代元氣不伐煩  
神功荒服



獨立空羣木山僧因樹爲茅屋歷劫多看桃杏紅深陰長  
覆袈裟綠日暮踏枝病鶴來柏子細落青成堆迴麤起簾  
流梵唄海月倒影橫香臺高柯向人意偃蹇頗似失地形  
低徊詎知造物非厚爾匠石拂拭孤根摧我歌殷勤一相  
慰莫如樗櫟全爾材

東湖卽景

張家林亭杉葉遮李公橋外柳絲斜不知九派東湖水流  
出春城幾處花

陳二西招同淥飲泛湖至南山而還

隨意游船泊水隈漪圍深處柳煙開人從荷氣蘋香去鳥  
向山光樹影來抱杖尙遲蒼蘚路晚鐘催下夕陽臺琉璃  
萬頃浮歸艇此樂平生第幾回

顏魯公銅印歌

鮑髯老眼海月明  
勘書燭古無遜情  
手磨銅章是唐製  
瘦蛟貫紐鏗有聲  
土花蒼寒周四角  
篆勒玉筋文眞卿  
當公出守遘時釁  
賊噪平原擊鼓震  
車書如火上蠟丸  
夏雲無光照銀印  
此非官印用必常  
勢欲從公與城殉  
得全一郡甯非天  
白頭再見中興年  
摩崖碑中印合縫  
乞米帖後鈴餘賤  
平生忠信憑遺軀  
千載劫灰不磨滅  
子孫失守鬼神護  
豈獨老髯深愛惜  
當時不容公亦得  
不死盧杞死希烈  
靴中幾作臨淮刀  
懷內何慚太尉笏  
印乎印乎無口說  
飲鳩踏火完公節

蔣仁字山堂仁和人

詩話山堂言號吉羅居士善書工篆  
刻爲浙派七家之一詩亦清雅拔俗

阿育王山放光松次錢少詹辛楣韻

華蓋蚪松似幢幢翠掃肩毫光舍利現劫火石鱗堅玩世  
經梁宋蟠雲壽梵天直愁騰化去神物二千年

山閣雨中喜邵四右菴至卽送晚晴山長還山陰疊

涪翁仁亭詩韻

昏沈湖上雨舒卷雲中山雲山抱城走傑閣凌朝寒笠屐  
天際落古道君一斑不憚峻嶺滑送客吳越關行衣盡嵐  
氣笑語倚危欄相於歲晏裏聽雨圍爐閒俄頃雨聲止霽  
色明江端賀監從此去中流應仰觀

丙午十二月五日雨中答邵四右菴喜予至三用涪

翁仁亭詩韻

賀監峭帆去余亦歸故山回睇萬松嶺雲霧羃高寒君家

好兄弟文采蔚豹斑不見數十日遲我風雨關執手道近  
狀鳴瀑飛檐欄小樓日高卧翰墨有餘閒折梅懷陸凱謂紹  
之當筵贈蘇端窮達貴適意其餘曷足觀

奚岡字純章號鐵生錢塘人有冬花盃燼餘橐

詩話鐵生自號蒙泉外史工山水高及倪雲林下亦  
不失李檀園不肯輕爲人作晚遭家難旬日中喪其  
弟及三子一女家復燬於火又遭母喪  
服終御鬱以卒詩清冷絕俗肖其爲人

### 游寶石山

我登寶石山山瘦削寒碧巍然峯堵坡天半卓孤立迴窅  
盪空林霜葉鳴策策側步怯危梯逼面起蒼石賞奇心固  
幽造極境忽闢屬目送飛鴻煙江一痕隔冉冉空中雲轉  
瞬已無跡浮生正如斯胡爲苦行役不若來山中優游恣  
所適醉卧蒼松根不知煙磬夕

陳春渠先生過冬花庵話舊

載酒紅橋賦柳枝卅年回首不堪思  
圖書已散江淹宅荷芰應荒山簡池  
往事孤雲無定跡舊交寒竹有眞姿  
知君老去情多感不敢臨風誦此詩

同余慈柏徐秋雪湯黠山游韜光

老衲石林跡詩禪直到今  
亂泉雙澗落修竹四山陰  
出世消塵劫頻過長道心  
同儕多勝概吾獨悵幽襟

湖上晚歸

晚來湖上景渾似雨中看  
雲氣沈山黑煙痕帶水寬  
磬清知寺近鐘遠到城難  
蕩漾憑舟子孤吟吾自安

朱方藹字吉人桐鄉人貢生有春橋草堂詩集

同沈樺翁姚蕙田沈積山諸先生含叔七兄登南屏

詣壑菴觀磨崖隸書家人卦傍晚泛湖而歸

夙昔抱微尚溪山嗜幽討況茲風日佳招攜得朋好芒屨  
躡白雲人影亂芳草夾道繁荆榛到門蔭松篠略約自透  
迤清泉一泓繞何年巒翠中鑿此金魚沼閣黎揖迎賓骨  
相清且老坐我青豆房淨域塵不擾石鼎煮新茶山廚飯  
香稻乘輿入巖洞繚曲景幽窅須臾緣磴上如行衆樹杪  
快觀磨崖碑筆勢最天矯云是涑水書前輩每稽考歲久  
苔蘚侵拂拭勞手爪悔不響搨歸裝演成墨寶斜陽聞寺  
鐘出谷循故道鼓棹向中流舟輕疾于鳥煙水何濛濛雲  
峯殊杳杳回首望南屏斷塔挂林表

曉登靈巖

曉聞靈巖鐘遂入靈巖路石磴轉百盤山花泣春露白雲

與空翠蒼茫色交互須臾旭日升禪關散輕霧并歇銀牀  
鳴廊絕香屨步何須問遺蹤繁華久非故凌空一縱目好  
景悉奔赴點點太湖帆重重茂苑樹金閨十萬家朝靄迷  
濠處望欲盡句吳更上琴臺去

同王蘭泉張少華曹來殷逐初園看梅信宿作歌呈

拙菴吳丈

靈巖山勢何崔嵬越來溪水相潏洄山崖轉處樵路斷草  
堂恰對溪光開入門襟袖襲芳氣修途一徑循蘭陔晴空  
點點落香雪移來千樹西山梅臨池一株更奇絕淨查橫  
卧黏枯苔形勢定爲百年物霜皮鐵榦知誰栽山家位置  
見真率雜以桃李杉楓槐交柯接葉互相映花光隱現明  
珠胎先生六十氣尙孩手攜鴉嘴芟蒿萊古貌古心兩相

似清風颯颯飄于鬢預遣平頭設枕簟頻招上客傾樽疊  
花前列座鬪韻語催詩更進流霞杯輞川舊游有傳刻可  
無高詠追王裴當筵授簡忽自失松聲萬壑何悠哉

揚子江曉發

殘星墮江底落月照江畔荒村雞乍號空林鴉未散舟師  
貪利涉鼓楫中流半杳杳金山鐘濛濛瓜步岸漁人隔煙  
語估客停橈飯沙頭兩睡禽比翼失清旦風波豈殊途勞  
逸各已判行役何時休撫景發長歎

度鉛山嶺

嶺上復成嶺雲煙近鳥生危崖懸樹暗斷壁瀉泉清路繞  
林端出人穿石罅行山中春樹早二月已聞鶯

西方菴



世日余言限名ノ一  
三二  
緣崖折而下鳥道似鑿空茲來本游遨反抱失足恐二分  
垂其外一步一神悚幸有木扶闌不知滑雙踵徑盡得平  
嵐筠松四圍拱數椽青豆房繚曲類巖洞屋後挺一峯拔  
地千丈聳喬松生其巔蟠根少培壅居然厯歲千翠蓋自  
鬱翳同行詫異見狂叫興飛動山僧解留賓茗椀殷勤奉  
聊坐息我勞去路還賈勇

冬日同汪比部對琴金博士棕亭閣上舍玉井汪水  
部秀峯汪學正劍潭何文學春渚吳庶常穀人紅

橋讌集

殘蘆衰柳遍江潭蕭瑟偏宜我輩探風裏浮雲自西北尊  
前名士盡東南白鷗眠處船齊泊紅蠟燒時酒半酣珍重  
今宵良讌會渭城莫漫唱何戡

葛嶺

言訪神仙宅攀藤石磴閒泉聲春雨潤人影夕陽山丹竈  
久岑寂白雲空往還勞勞塵土夢愧我幾時閒

送惠定字徵君之揚州

西風颯颯吹楓楠新霜點點飛江潭柳條零落不忍折朝  
來錄別嗟何堪江淮都轉尙風雅蓮花幕底朋盍簪況逢  
江東老名宿促行那許停吳驂先生榮顯非所慕每於典  
籍偏沈酣禮樂甘從野人野著述直似貪夫貪媮笙義瑟  
辨律呂羸灰孔壁勤稽參五經紛綸抽腹笥百家肴核窺  
塵函漢京賈鄭不可作淺儒俗學爭嘲吟鉅製皇皇振聾  
聵洪鐘大簾聲非館君家兩世列清禁石渠天祿書曾探  
趨庭授受有經說統同辨異功最覃蕭山秀水二公出鼎

鎬分足應成三先生一編紹舊業門題通德眞無慙平生  
汲古亦有志故紙不厭搜枯蟬梁邱家宗我已識每思執  
卷耽高談惆悵相逢復相別當筵離曲歌何戡幾時棲息  
衡宇下萬軸坐擁藏書龕著錄不少稱弟子學術正好傳  
孫男碧草盈庭春盎盎紅豆著樹花髻髻登堂儻許問章  
句便思買宅香溪南

鮑倚雲字薇省號退餘歛縣人優貢有壽藤齋詩集

詩話退餘篤學工詩年四十絕意進取教授於鄉嘗  
入閩學使者幕校閱勤瘁櫻疾歸詩清微雅健獨抒  
性情讀者可想見其高致

黃山古松歌應潘大中丞教

軒轅施手開鴻濛削起六六青芙蓉奇秀半緣松與石裂  
石詭出成古松千株萬株不藉土人代渺厯超秦封靈區

幽絕幾人到到者驚叫誇神工路指天門兩翁揖一迎一  
送分西東經瓦雙壁勢蜿蜒文殊道上眠蒼龍髯張角嶄  
卧將起疑潛疑現風雲從峯登始信劃中斷下臨絕壑危  
橋通枝生彼岸橫此許殷勤引臂扶游蹤游人見松不見  
幹松名破石穿玲瓏環抱有若母懷子爭奇倒挂蓮花峰  
倒挂蒼虬髮上指一絲壁竇長青蔥離奇更說蒲團好輒  
鋪密織雲千重何當一佛分一具諸天花雨飛晴空高不  
盈尺圍數丈佳處略與棋枰同棋枰松在平天杠松鬣井  
井橫兼縱頂平若砥枝若罽仙家一局何時終就中奇絕  
推擾龍一峯突兀千峰中松與峯鬪峰腹坼猿鳥何敢攖  
其鋒盤拏鬱積怒未已左枝橫曳蒼煙籠拖嵐抹翠數峰  
遠飄搖柳綫青茸茸精華終古日霜結諸峰八面來朝宗

得非神仙恣狡獪鑄造化天無功天公凝睇人生妬破  
石先見雷火紅蒲團颺去龍夜逝了了樵斧來悲風吁嗟  
神物半失護識者感歎心慄慄我生山中未見山幽探徐  
擬策短筇山圖記載百不一奇姿瓌狀難形容藤絡莎破  
徧崖谷一松抵一仙人逢黃山靈氣不可盡翎茵鐵幹綿  
春冬

蘭語篇

幽芳不知春春赴桃蹊水迴波憶舊雨冥濛曉煙裏疇昔  
子慕予窈窕竟奚似目成山之南清川淥如此蕭蕭秋雨  
惡簷端孕花蕊醅臘釀奇寒土乾未滋螿引領期入房吹  
衣北風起根墮暗已朽處堂昧生理怨長交不終媒勞復  
誰倚醺酒與花盟花光去若駛蓀兮獨自愁何人信予美

祭詩行

我聞祭詩之例賈島開時當除夕陳樽曩命意還應自勞  
苦亦或艱辛歷歷如有神助靈之來才人抑塞磊落不得  
志拔劍斫地歌空哀春風不煦麻衣業何如此夕凍釀傾  
瀉三千杯一杯酌詩復一揖絕倒可免襟顏摧憶昔先子  
授詩我五歲明年就傅聳雙髻課經暇覆杜陵律舞勺偷  
覷蘭臺藝漁村先生浙中耆朱竹垞查梅餘老輩舊聯袂

詩評詩札什襲藏討盡淵源辨根蒂嗟我貧兒不識萬卷

開書城風雲月露揮毫輕玉堂老人東臯伯父願之浩然歎問

我試嘯英物如何英而不思吹龍笛與鳳笙快劍入海屠

長鯨爲我擲地作石聲何爲效此蚓泣蒼蠅鳴積數百篇

悉焚棄更歷憂患成孤生到今垂老得詩二千三百五十

有餘首刺促不減酸寒情當年老輩大雅不可作豈獨中  
選博學鴻詞了無忤下第諸公峙壇坫接武名賢輝館閣  
宿將不盡閫內知餘軍亦勝今人弱安得九原呼起坐上  
坐令我低頭就繩削人生富貴由天公何須較量達與窮  
我不能學春城無處不飛花之韓翃亦無才擬小樓一夜  
聽春雨之放翁端居聖明恥舟楫孟六豈是南山農枉將  
苦句激天子月影歸抱窗虛松浪仙亦坐傲峭累有眼不  
識人中龍蹉跎聊復成進士可憐聲名十惡不爲詩家宗  
肥瘦何關冰雪胸筆陣乃當韓豪衝羨煞騎驢坐得推敲  
偶交游贈答相望不隔潮州蹤我詩非寒亦非瘦方干羅  
隱門庭陋鞭絲誰與九州橫腹笥殊慙四庫富賞音也自  
播雲處病骨無由脫巖岫草間未稟虎鳳姿野外難爲金

石奏就中涕淚紛千行骨韻莫論宋與唐好與子孫識面  
目先人遺緒留取千春長小巢壺詩篋裏香先君遺集四世傳  
看古錦囊今夕何夕醉酒漿燭花高吐騰詞鉞餘生尙得  
餘音鏘二十四卷之外文瀾猶茫茫

於震字亦川丹陽人武生有亦川詩鈔

王柳村曰亦川負才任俠坎軻終身藝苑惜之所爲詩雄秀沈鬱得力少陵

詩話丹徒冷士媚余京鮑皋金壇播高高炳傑陽彭桂及亦川號七布衣皆以詩傳亦川出身武庠尤爲表異其詩氣韻沈雄而無粗豪亢厲之習文士所不及也

讀少陵孤雁詩

朔風吹廣漠古塞一星橫湖海憐形影風霜隔弟兄兼葭  
連十月礎杵逼三更倍歷凄清意甯堪老此生

別朱如川



家事不復道酒闌花滿林一劍曉初發孤帆春已深雲霄  
吾輩事門戶百年心夢醒練塘月匡牀照布衾

新燕

池塘雨過夕陽斜又見銜泥掠淺沙歲歲飄零偏識主年  
年辛苦爲無家閑門社日仍芳草舊巷春風半落花好待  
將雛新壘就飛飛一任到天涯

晚晴移詩匯卷九十七終